



嶺海輿圖

欽定四庫全書提要

嶺海輿圖一卷明姚虞撰虞字澤山莆田人嘉靖壬辰進士官至淮安府知府是編乃其官監察御史時巡按廣東所作凡爲圖十有二首爲全省圖次十府十圖終以南夷圖圖各有敘敘之例首述沿革形勢利病次州縣次戶口次田糧課稅次官兵馬匹其總圖則首以職官以布政按察二司分統之蓋其時撫按皆爲使臣尙未定爲守土官也其南夷諸國列通貢者於前而通市者亦附後爲海防之計不論其奉朔否也大旨略於代而詳於當代略於山川而詳於扼塞略於職官而詳於兵馬錢糧略於文事而詳於武備於志乘之中別爲

體例然較之侈山水誇人物輯詩文者其有用無用則  
迴殊矣意古者輿圖不過如是後來者踵事增華失其  
本耳前有嘉靖壬寅湛若水序極稱之錢曾讀書敏求  
記亦稱其簡而要云



嶺海輿圖序

甘泉子曰以予觀於嶺海輿圖而知王政之易易也夫嶺海輿圖何爲者也明心也昭制也明心也者以言乎其致善也昭制也者以言乎其行法也吾于嶺海輿圖之編也而知澤山姚侍御之善於巡廣之政之要也故以千言之博泛濫而寡要不若一圖之約目擊而意全有序有紀皆所以明圖也是故觀斯圖者其愛民憂國之心油然而生矣雖欲勿善得乎其大綱小紀之制昭然而見矣雖欲勿法得乎故澤山子本孟氏而言曰徒善不足以爲政徒法不能以自行一以治善一以治法法善兼全政治畢舉故曰以予觀於是圖而知王政之易易也吾於是編之簡約也而知澤山侍御之善於

巡廣之政之要也人謂澤山公發奸摘伏如神者非以是耶  
考圖撫景自布按都三司而府而州而縣而衛所而合屬稗  
官某也賢某也否而懲勸焉則其職官率屬信民之政舉之  
矣入觀其疆而考其山川而物產而田里而戶口而錢糧課  
稅之贏縮而振作焉則其足食之政舉之矣觀其府州縣之  
官兵而考軍人民壯之消長馬匹器械之張弛而修舉焉則  
其足兵之政舉之矣於制森然於心惕然而善法具備本末  
兼該內聖外王之道舉之矣雖以措之天下傳之後世其可  
也獨嶺海云乎哉是故觀言不如觀圖觀圖不如觀意故曰  
書不盡言圖不盡意以意盡圖以圖盡言後之君子當以是  
觀西村胡郡守鳳存心善政贊美斯圖請梓以廣其傳乃俾

陳司訓大章走甘泉之野請序其意於簡端云嘉靖壬寅季  
秋四日賜進士出身資政大夫前南京兵部尙書奉勅參贊  
機務國子祭酒翰林侍讀同修國史經筵講官增城湛若水  
元明書



嶺海輿圖原序

有一鄉之政有一國之政有天下之政有一時之政有一代之政有千萬世之政政者正也正己以正人也作用岐途古今異尚久暫殊功心一而已子孟子涵泳聖涯抱道不辰貌一鄉一國天下之士而尚論焉誦詩讀書必求知其人七篇之說仁義道德藹如也其論政則曰有其心無其政是謂徒善有其政無其心是謂徒法徒善不足以爲政徒法不能以自行於戲盡之矣豪傑之士守而勿替措諸當世往往有大過人者先天下之憂而憂有本者如是苟亦徒法其曷以臻茲總總黔首孰匪同胞故君子雖棲遲畎畝恒志在天下國家樂堯舜之道將以唐虞斯世不肯自隘且自私焉矧旣委

質官箴以人事君蹇謬匪躬分也又矧厥監使一方慘舒攸繫引養引恬保合其民而容蓄之每懷靡及周爰咨諏皇華王命若是其重雖假寐有弗遑者疇非此心之運昔者宣公陸子嘗告德宗矣曰五術省風俗八計聽吏治三科登俊又四賦經財實六治保罷瘵五要簡官事經濟莫備焉斯一國一代之政推諸天下後世無弗準矣夫此六者皆羽翼孟氏鑿鑿可行贊其天下士哉顧爲政在人事豫迺立有宣公之策無文正之憂徒法也有文正之憂無宣公之策徒善也徒法則渙渙則民弗從徒善則執執則民弗喻二者得失相因故君子懷古慨今與其渙也寧執予按廣今茲且暮年所謂民隱吏治梳之爬之以求仰荅皇上惓惓斯民之念少逭涓

埃萬一之責惟時家室溱溱歲無荒厲蠡田蠡窟蕉林荔浦  
聖化所被逖哉均矣過河洛而歌禹功有遐思焉爰卽所履  
考成籍酌時宜作嶺海輿圖凡十有二幅各繫以敘以紀俾  
昕夕顧諟以警惕厥衷予何人哉一鄉鰥生一時管見敢曰  
一國之政乎又敢以達諸天下後世乎我憂孔疚將毋徒法  
爾乎是故甚不得已也迺君子觀象考文沿時揆事神會而  
加之意或亦少補於政其視十眉五客輞川愈疾雲漢北風  
生熟生寒重輕緩急則自謂有間因屬胡守鳳梓之以告各  
郡之守土者於戲輪轅之飾厚顏于有道者吾知不免諒其  
心則幸矣賜同進士出身文林郎巡按廣東監察御史蒲田  
姚虞撰





凡例

諸圖不盈方尺故未盡者載諸序序或遺者載諸紀凡以翼圖也隨事起義有攸繫焉故先之以凡

例

一 封疆廣袤形勝展促江海源委路道通塞關隘重輕民夷界限圖紀序互詳焉若山則圖其大者如羅浮庾嶺五指之類難枚舉也

一 布按二司各道俱詳記於總紀政所出也

一 各府衛首領并儒學司獄司陰陽醫學僧綱道紀司各州縣所屬印信衙門原有定額通省俱同茲不復贅止書倉場鹽場遞運所稅課司巡司河泊所水馬驛以其額設不同難以例見且關係兵食地里者故不可略各州縣有倉無官者不書

一 戶口田糧屯徵農桑豆麥商稅魚課并雜課各府既詳仍

括其數于總紀以便稽覈其雜課俱不分類但彙計之從約也

一前項等數雖各府所屬但總計之其詳則有司存

一官軍馬匹器械止據額數書之中間贏縮不常難以見在局之其達官旗目舍皆每年續撥來者原無成額今但錄其見在者以俟稽查其軍器各衛所俱同額數止總記于總紀下省文也

一各印信衙門已于圖中標出後仍紀其總額并轄于某衙門雖營堡關隘亦然不嫌冗瑣互相考見也

一敘紀中于各府衛及合屬印信衙門俱界以方格別省亦然其山海營堡關隘外國徭黎則界以圓圈別內外也

一民壯弓兵關係地方故特書之

一隘塞關津必詳標于圖以嚴備守其不能盡載者則詳于序序或不及詳者皆有總數表之若廣肇惠潮瓊等府屬縣多者亦每遺之勢也

一各府圖序俱擇其鄉賢名宦流寓人品功業之卓然者表之景賢示勸徵文獻也

一南夷圖止據本朝曾經奉貢及載在祖訓會典者書之其山川境土去廣邈遠皆難悉知今但據舊文附入亦不敢盡信若每歲進貢方物原無額數番船往來一無定期故船課止錄其槩云


一圖序紀所載諸事皆得之一時耳目未必無遺尙賴同志

求其所以缺於冊外可也


嶺海輿圖

四庫全書原本

明姚虞撰



守山閣藏書



輿

海

嶺

豐縣

信府

州 贛 至

至北

100

---

東止


北至江甯

## 四安遠

--	--

東至福建漳浦縣界一千二百二十五里

東南至惠州府海



化昌至

每英

地 之 圖

界一千三百二十里


西北至大庾嶺界

一千三百二十里

西至廣西蒼梧縣界七百五十里

西南至交趾分茅

平賀母屋



鐵界一千八百里

縣俱抵大南洋難計里數

嶺海總圖序

廣東雖古百粵地書載唐堯命羲叔宅南交史稱蒼梧九疑

韶石皆舜跡所至之地不得爲荒服周宣時召穆公虎疆理

淮瀆遂至于南海肆入秦併迺郡邑于厯代幅員寢廣居嶺

海之間受天地之盡氣丘文莊舊志封疆跨躡海陸會同唐王勃記而

地靈人傑罔下中州古稱樂土焉北負雄南雄府韶韶州府以臨

吳江西楚廣東肩潮潮州府惠惠州府以制甌閩福建高高州府廉廉州府

門戶西排交趾廣西之梯航嶺嶺東兵備嶺南兵備嶺西兵備海海道

副使嶺南兵備崖州參將藩籬外扼黎諸黎夷諸外夷之喉舌矧征蠻重兵

據蒼梧上流舶樅鹽徵魚冶諸課之羨頗貸餉乏前此真一

大都今則否矣生齒日繁官輸日重歸訟日滋無經日耗師



旅因仍漁獵踵至而游民逐末山海礦冶厲階番舶釁端時  
復汪洋巉岼峰聚狐潛噪呼羣起剽掠無忌而戎事且弛凡  
此民患十郡符合臥榻隱憂噬臍後禍豈獨黎獠夷酋已哉  
外馳富饒內實貧困今之廣東蓋甚有可慨焉者我有官君  
子仰藉神祖混一偉功列聖承平之福皇上宵旰南顧爲民  
任人俾皆梁肉大厦泮奭茲土匪民曷依於戲靖共以無或  
素餐覽圖稽序若紀安養生息理亂利弊刑賞攻守思過半  
矣司馬公曰有治人無治法君子念之樂土其漸復乎

### 嶺海輿圖總紀

布政司

嶺南道  
糧儲道

嶺東道  
清軍道

鎮西道  
督冊道

按察司

嶺南道  
清軍道

提學道  
海北道

屯田道  
嶺南兵備道

鹽法道

嶺東道兵備帶管  
海北道兵備帶管

嶺西道兵備帶管  
嶺南道兵備帶管

領府十

州七縣六十五

鹽課提舉司二

廣東所屬場十四  
海北所屬場九

市舶提舉

司一

都司領衛一十五

屬所一百零五  
直隸所九

戶口

官吏軍民匠役校尉力士竈蛋等戶共四十九萬一千三百一十二戶口共二百零二萬零一百一十九口

田糧

官民田地園塘池灣埔港共二十五萬六千七百四頃七十五畝三分

夏稅麥共該正耗稅四千三百九十六石四斗一升六合

九勺七抄各豆共該正耗稅八斗一合二勺色米共該  
正耗稅一千六百五十一石二斗四合二勺五抄九撮  
八圭六粟五粒

秋糧共該正耗糧一百零一萬一千七百九十八石一斗  
四升四合五勺九抄八撮六圭一粟四粒

農桑本色米共三百零七石五斗一升六勺四合六抄  
商稅等鈔共六十一萬一千八百零八貫三百八十五文  
魚課折色米共三萬五千零一十八石五斗三升三合二  
勺一抄

魚膠翎毛銅鐵黃麻等料課共折價銀五百八十四兩九

錢二分一釐九毫七絲二忽

外高州府原止計斤數未  
引價詳在本府紀下

廣東鹽課提舉司共稅熟鹽八萬九千二百八十五引零  
二百四十五斤六兩三錢六分

海北鹽課提舉司共稅熟鹽一萬三千一百七十五引零  
五十九斤八兩

屯糧共一十八萬三千三百九十五石五斗一升一合七  
勺一抄五撮

官兵馬疋器械


都司合屬額設官一千八百六十八員旗軍三萬九千七  
百七十名見在六百五十四疋

見在達官指揮千百戶鎮撫共一百七十一員總小旗頭  
目達舍共七百九十四名

每衛六瓣明襯盔各二十頂齊腰甲二十付角弓五十張  
弦一百條破甲鐵箭三千九百七十六枝皮撒袋五十  
付腰刀五十把斬馬刀二十把勒甲皮帶二十條虎頭  
牌四十面朗機銃管二十把提銃一箇神機螺螄箭各  
二百五十枝鈎刀十張眉刀二十張短鎗五十根弩五  
十把

每千戶所六瓣明襯盔五頂齊腰甲五付角弓十五張弦  
三十條破甲鐵箭八百八十二枝皮撒袋十付腰刀十  
把斬馬刀五把勒甲皮帶五條虎頭牌十面朗機銃管  
十把提銃一箇神機螺螄箭各一百枝鈎頭刀五張眉  
刀十張短鎗二十根弩二十把

額編民壯共一萬八千一百一十五名弓兵共六千九百三十二役



# 廣 州 府

北至英德縣


南至香山縣

城一百八十里

東至博羅縣二百二十里

東南至大洋

奇平里



百三 縣山香至南

細工



# 輿地圖

廣西新寧縣

五百五十五里

千二百四十里

西至新興縣二百五十里

西南至新寧



廣西新寧縣

洋大抵外里十四

廣州府圖序

廣州府古揚州南境秦始置南海郡趙佗實據之山川緬邈

元南海志上據石門之臨下瞰扶胥之險長江天塹壁壘完整舊志

國朝爲府元以前沿革不一領州一連州縣凡十有四附郭南海番禺

外順德三水從化東莞增城龍門香山新會新寧清遠陽山連山三縣隸連州包山帶海羣邑羅衛

外郡倚以爲重故于此置省會而責亦重焉黃涌順德地白墳

波羅海口南岡鹿步滘口已上三營俱守備指揮防禦廣海衛近新寧大鵬千戶所近東莞香山

崖門新會地沿海東南戍守之嚴湟川連州古名有守備都指揮陽陽山連連山

朱岡星子俱巡司隸陽山西北叢嶂實湘臨武江華俱湖廣衡宋屬縣桂賀縣懷

西平梧屬縣咽喉殆亦次之而三水參巨浸之派胥江新會地當三

鎮廣韶之中帆檣上下烏合突來樓船屯哨其可緩乎環郡

大洋萬支莫測風濤千里皆盜賊淵藪英

英德縣隸韶州

陽

陽山

之交

移山籍火民搖糒居水陸恒病故清遠慶安

東莞占名

各轄以兵

憲重臣其勢均也然兵食相須官民一體番

番禺

南海

邑若獨

大而當省會民亦獨勞曷以節之東

東莞增城

順德

順德會新

僅充

歲用曷以贏之香

香山清遠

而下疲亦久矣曷以舒之均之惟

茲陶

晉桓公侃廣州刺史

宋

唐宰相韓陽山令

向

宋丞相敏中知廣州

甘棠

冉冉濂溪

時爲運州

南軒

隨父寓連州

遠流道澤而清獻

宋丞相崔與之增城人

所謂諸賢寬得一分則民受一分之賜仰止羣哲典刑伊邇

尙亦鑒哉

# 廣州府圖紀

領州一縣十二

稅課司永豐倉各一遞運所二各州縣巡檢司四十九倉十水馬驛一十八河泊所八

戶口

戶一十八萬七千九百六十八口五十九萬八千四百九十

田糧課稅

官民田地山塘灣八萬五千四百四十七頃五十一畝二分六釐八毫七忽

夏稅荳八斗一合二勺米八百七十石七斗七升五合八勺

稅糧米三十一萬二千四百九十一石五斗五升五合八勺

農桑本色米二十一石六斗七升四合

商稅等鈔二十六萬一千四百六十六貫二百三十六文  
魚課折色米一萬一千零四十三石六斗五合五勺零  
魚膠熟鐵翎毛共折價銀一百零七兩四錢九分七釐一  
毫一絲五忽

廣州左衛合屬屯田額徵二百頃三十三畝零細糧五千  
五百五十六石八斗七升四合八勺

右衛合屬屯田額徵三百四十六頃五十九畝八分零細  
糧一萬零三百四十二石零二升六合七勺三抄八撮  
前衛合屬屯田額徵三百四十四頃七十二畝三分零細  
糧九百九十五石二斗八升八合四勺一抄

後衛合屬屯田額徵二百四十六頃四十畝細糧七千三

百三十五石零八升三合七勺六抄七撮

南海衛合屬屯田額徵二百六十八頃八十畝細糧八千零五十四石

廣海衛合屬屯田額徵二百二十二頃九十六畝細糧一萬二千七百六十八石

清遠衛合屬屯田額徵細糧六千八百六十九石五斗一升九合八勺

此條似脫  
頃畝數目

增城所屯田額徵八十一頃細糧二千九百五十八石

從化所屯田額徵一百零三頃六十畝零細糧六千七百二十石

新會所屯田額徵六十三頃六十畝細糧二千零一十六

石

官兵馬疋

廣州左衛額設各官共八十四員旗軍一千三百四十六名馬八疋

右衛額設各官共八十四員旗軍一千七百七十六名馬八疋

前衛額設各官共八十四員旗軍一千五百三十一名馬十九疋

後衛額設各官共八十四員旗軍一千三百一十七名馬八疋

南海衛額設各官共六十九員旗軍一千五百五十四名

馬一十七疋

東莞大鵬二所額設各官共三十員旗軍六百二十四名  
馬十疋

廣海衛額設各官共六十九員旗軍二千三百八十三名  
馬十疋

新寧香山海朗三所額設各官共四十五員旗軍七百七  
十名馬無

清遠衛額設各官共八十四員旗軍六百四十五名馬三  
十三疋

增城所額設各官一十五員旗軍七百五十六名馬十二

疋

直隸  
都司



從化所額設各官一十五員旗軍三百七十五名馬無

直隸

都司

新會所額設各官一十五員旗軍六百七十九名馬二疋

直隸  
都司

廣州四衛達官旗目舍共三百七十六員名

民壯四千八百四十四名弓兵二千三百五十五役

# 韶州府


北抵湖廣郴州

西抵南雄府界

界二百七十里

東抵南雄府始興縣界一百五十里

東南抵惠州府



南抵廣州府

西抵南雄府界



韶州府圖序

韶州府本南海郡地漢平粵隸于荆

湖廣

之桂陽郡

桂陽州屬

自吳歷梁俱楚疆隋罷郡始以其地還屬番州唐武德中初

置韶州附以四邑五季而上其地屢叛宋元迺定國朝爲府

降英州

英德舊名

爲縣歸始興于南雄領縣凡六

曲江附郭英德翁源樂昌乳源

仁化據廣上游北嶺峭嶮南谷平易

唐徐浩張文獻公碑

控扼五嶺韶爲

交衝唇齒江

西湘湖廣

咽喉交

南安

廣

二廣宋余靖

亦重地也滄

洸

英德古名

之南蔓延徭峯樂

樂昌

仁

仁化

則逼境彬

湖廣彬州

桂

桂陽

勢

不兩轄而茂林層巒流賊常擾編氓亦彼此構隙不時迺湘

韶之通患故兩鎮兵備湖南則駐于郴陽嶺南則駐于清遠

曲江雖曰附郭徭山密邇皆腹心後疾翁源僻在東南二巡

司桂山了居扼塞之區六關隘圖略當異境之會英樂乳仁

黃崗

皆不建兵署所籍以外禦者弓兵各巡司營卒而已豈恃萬

見圖

人城以內固乎英德滇山有趙陀所築萬人城遺址抑役民于農而專生財計

乎不可恃者章章徵矣所謂生財吾亦惑焉六邑惟曲英差

豐餘則漸敝田弗糞農之下也喪必宴奢之薄也乳源豪商

江西蠶食既久迺有客強主弱之諺之數者奚其富惟茲金

鑑有堂府治西宋取唐相張九齡千秋金鑑錄因建家山有墓府城西有宋尙書

江巍巍百粵嶺海同長監門宋鄭俠以上流民圖編管英州廷丞宋呂祖儉

韓侂胄安忠國之風餘馨尙播文不在茲乎

置韶州

### 韶州府圖紀

領縣六倉一河泊所一巡司十四水馬驛六

戶口

戶一萬七千九百三十四口九萬六百五十八

田糧課稅

官學軍餉輕濟民僧田地山塘一萬一千五百九十頃三十二畝六分九釐七絲三忽

夏稅絲折米一十石一斗一升三合麥二百三十二石三斗九升八合六勺

秋糧米五萬七百八十六石八斗六升二勺六抄六撮四圭二粟二粒

農桑本色米三十石九斗一升五合五勺

商稅等鈔八萬五千三百九十九貫八百五十二文

魚課折色米二千四百零六石三斗八合三勺

黃麻魚線膠熟鐵共折價銀七十八兩八錢三分九釐九

毫

韶州所屯田實徵八十頃細糧二千五十二石

官兵馬疋

韶州所額設各官一十五員旗軍三百七十三名馬無

直隸

都司

民壯一千七百五十名弓兵五百八十役

# 南 雄 府

北抵江西南安府

南抵江西南安府

縣九里村二百里

東抵贛州府信豐縣界二百四十里

東南抵贛州信豐



南抵江西南安府

南抵江西南安府



# 輿地圖

海大區江洋北區

里一百縣東大

縣界三百五十里

西抵韶州府曲江縣界二百八十里

西南抵翁源縣九

雲源村

南岸都

總捕哨船

黃所軍屯

南雄千戶所

楊子坑隘

百步隘

百順司

羊頭隘

中山

鷲山

江口哨船

始興縣儒學

黃塘隘

黃塘驛

黃塘司

金雞潭村

清化巡司

河溪廟隘

桂山丁隘

西津橋

倉平常

千戶所

豐積倉

南雄府

嶺南道

太平橋

凌江驛

租界川西川十

里百三界縣南龍

南雄府圖序

南雄府本始興縣地隋以前俱隸衡桂唐武德中又隸韶州

南漢始割湏陽

保昌古名

始興置雄州宋開寶以河北亦有雄州

因加南以別之隸廣東道元爲南雄路國朝爲府領縣二

保昌

附郭始興

居五嶺之首爲二廣之衝羣山環拱三水合流控帶羣

蠻襟會百粵

本志

韶石突兀聳其南庾嶺嵯峨峙其北

舊志

匡廬

會稽洞庭鄱陽長江一帶皆限此巨關

庾嶺有關曰嶺南第一關

而交南

朝鮮諸國臣服西來踰嶺嶺則北望天府衣冠文物凡海內

大都足以歆其畏慕莫或覬覦焉者必暫割于懷遠樓

在郡城南

建以館夷人者

雄其五嶺要地乎但境聯二省每苦流賊雖堡昌差

寧而始興之陽山坑河溪廟沙田花腰猪子峽

已上隘俱通江西

等

隘堠斥未嚴唇齒固不得偏安也紅梅百順平田

俱隸保昌

黃塘

清化

俱隸始興

數巡司已不講訓練又況一所

南雄千戶所

官軍老羸

並計數隊止矣皆久玩無事戈塵甲座以屯餉爲騙局聚正分奇盲盲胡知且以一郡才領二叢邑提封廣袤僅四百里夏秋公租不過三萬有奇未當江南一縣之饒而送往迎來爲東廣九郡傳郵但幸權料一線之利存焉耳省城番舶不通將安以支兵食內憂雄實爲甚然則柰何傳曰備預不虞國之善經又曰常形人不形于人

### 南雄府圖紀

領縣二

遷運所一稅課司一倉  
一遞司五水馬驛一

戶口

戶八千二百九十七口二萬四千六百九十九

田糧課稅

官民僧道田地山塘九千五百二十一頃四十三畝九分  
七釐八毫六絲九忽四微七塵

夏稅米四十四石八斗五升四合一勺

秋糧米三萬四千八百八十四石五斗六升六勺

農桑本色米八十石

商稅等鈔一萬七千六百二十六貫一百四十七文

魚課折色米二百零六石四升五合八勺九抄

生銅魚膠翎毛共折價銀八兩二錢零八釐九毫

南雄所屯糧二千九百四十八石五斗九升九合八勺

官兵馬疋

南雄所額設官二十五員旗軍三百六十名馬一疋

直隸都司

民壯四百六十六名弓兵二百五十役

# 惠 州 府


與府本至北

城北前縣天

界五百八十里

東至海豐接潮陽縣界五百五十三里

東南到海豐石橋



海洋大至南

南十四里

圖

地

輿


縣城至北至南

縣六百里十五里

界二百二十里

西至本府歸善縣界一百五十里

西南至歸善縣



縣城至北至南

縣六百里十五里

# 惠州府圖序

惠州府故南海郡地歷代相沿梁始置梁化郡隋罷郡爲循

州省龍川入河源復改龍川郡隨改海豐郡又復爲循州南

漢徙循州治于龍川而于舊地置禎州卽今歸善宋以州名避仁

宗諱改惠州國朝爲府領縣七歸善附郭博羅海豐河源龍川長樂興寧正德間

增置和平十三年南贛巡撫鄒御史王守仁平龍川瀾頭賊奏立鼓角山名導其前羅浮

山擁其後漢之名部越之沃野宋余靖普安寺記東抵潮西連廣北

接贛南極于海惠大記廣袤幾千里提封次于瓊廣河河源龍川

長興長興寧和平各居郡上游嶮峒絡繹多潛不軌興寧龍川

則比肩南贛曩于閩餘地五新邑以斷北臂職此故耳五邑

礦民歸善河源龍川長樂海豐類多異省逋徒糾合土著嘯聚登隴斷以



規利贏則賈縮則寇往年作耗雖竟撲滅禍根未芟故長吏不得已有封礦之議欲塞利孔拔民罪梯見損忘益勢而已矣惟博羅人稠地瘠民復惰淫每稱難治海豐差饒可逃菜

色第東南濱海碣石

衛俱東南

捷勝

在衛南

平海

在縣西南

甲子門

在衛北已

上俱千戶所

皆瞬息生變惠州守備所以劄于衛治龍川之搖皆

別地來者聽調輸租主之以土官可無虞矣然自長樂設以兵備漸亦按堵有備無患諒哉念厥小民待哺殷實剗肉補

瘡歲無月贍蛋戶請貸悍客

江西人

易舟傳食辱及妻女市井

奸宄黨結束莞貫盈無籍爲穿窬謀大家之隙難投所以並鷄豚烟火而罄起者胥棲棲之煢獨先集惟霰故常厘有司者憂惟茲學士之居跨鶴峯

城東白鶴峯東坡安置惠州下居于此後因立祠祀之

長畝江流君子欲考德問業而于文忠遺編以求迺心政其庶幾乎

### 惠州府圖紀

領縣八

倉八巡司十七河泊所三水馬驛十八

戶口

戶二萬三千八十二口一十二萬三千二百二十七

田糧課稅

官民田地山塘二萬八千四百二十八頃六十九畝七分九釐六毫一絲八忽五微

夏稅米二百四十石三斗九升二合四勺九抄七撮一圭四粟二粒

秋糧米六萬六千一百七十七石五斗七升四合八勺四圭八粟二粒

農桑本色米五十八石九斗三升

商稅等鈔四萬一千五百四十二貫三百九十文

魚課折色米二千八百八十石九斗三升九合四勺四抄  
魚線膠熟鐵黃麻共折價銀三十兩六錢三分八釐九毫  
惠州衛合屬屯田額徵三百八十三頃四十四畝四分細  
糧一萬三千七百七十一石五斗五升

碣石衛合屬屯田額徵一百五十九頃八十四畝九分零  
細糧一萬六千一百二十八石

官兵馬疋

惠州衛并合屬額設各官共八十四員旗軍一千零四十七名馬五疋

河源龍川長樂三所額設各官共四十五員旗軍六百三十五名馬七疋

碣石衛并合屬額各官八十四員旗軍一千二百四十五名馬四十三疋

甲子門海豐捷勝平海四所額設各官六十員旗軍一千八百八十一名馬三十一疋

民壯二千零六十五名弓兵八百六十役



潮州府

陸界建福抵北

東北抵福建界

陸路四百里

東抵饒平縣界陸路一百五十里

東南城本府海門子

大徑隘

九村監

分木遊司

黃泥墜

大城所

自述

石竹鎮

橫山

黃岡巡司

蓮花山

并州

深奧

河泊所

小江水寨

隆澳

南漢

清澳

鳳凰山

大清監

麻布傘

虎頭山

產溪驛

廣濟橋

韓山

楓洋公司

烟燉

關公

蓬州

鳳凰驛

潮州衛

預備倉

錢內峰

象洞

檀越徑

龍溪

三河巡司  
三河縣  
三河縣志

儒學  
大埔縣

儒學  
饒平縣

九山齋

路南陽潮抵南

尸所陸路百四十五里

# 輿地圖


路一百四十四里

圖北界

路四百五十里

西抵海豐縣界陸路一百五十里

西南抵惠州海豐縣



圖北界

里五十四百界

# 潮州府圖序

潮州府故南海郡揭陽縣地晉始置義安郡梁爲東陽州爲  
瀛州尋復義安隨罷置潮州唐因之南漢析程鄉爲敬州宋  
改敬爲梅宣和中析海陽置揭陽是謂三陽國朝爲府領縣  
凡七

海陽附郭潮陽揭陽程鄉饒平大埔惠來上二縣近設

當閩南西越之界西北接

贛汀漳三郡限以高山疊嶂合贛汀漳所出之水會達州治  
之東以趨于海內包沃野川原廣衍實廣惠之襟喉嶺東之

巨鎮

俱本志

惟程鄉惟員子嶺

通福建江西

惟饒平惟柘林澳

海賊倭寇

常泊舟

惟惠來惟梅林

盜賊巢穴

神泉

瞭望

赤沙灣惟大埔之隘凡二

十有奇皆山海要區枕吭撫背之防未可一日緩者惟黃崗

巡司隸饒平通峒谷遂險兩地肘掣營壘罔濟議者欲于潮

福建詔安政和



增設捕盜府倅挈家駐之環以墩戍兼鎮南北而裁饒丞及

諸冗員以易之一舉固三得矣若靖海潮州海門潮州蓬州

海陽大城饒平東已上四千戶所又皆跬步海濤所賴以近保三陽遠

衛東嶺者也今亦多士卒止諸本等藝略而水軍之法則疏

以靜制動以佚待勞迺施于多算取勝之後非漫浪倉卒然

者其可忽哉礦場七邑居五惟潮陽惠來無利害與惠同搖種種類

頗繁號輦戶斗老與三大姓者雷尤桀驁難訓雖有統者

而狼性元悍先幾而慮迺克有終惟茲刺史餘芳唐昌黎公

貶潮州刺史除疆害山斗峩峩千載一日文山宋丞相趙檜安置潮

陸宋丞相秀夫墓在海嶼上忠貞之氣燭乎日星惟潮過化惟今民力滋

疲四賢靈爽將謂之何哉

潮州府圖紀

領縣七

遞運所一倉七巡司十六河泊所一水馬驛十一

戶口

戶八萬九千三百一十二口五十一萬八千七百九十四  
田糧課稅

官民僧道竈田地山塘二萬九千二十五頃五十七畝七  
分八釐三毫

夏稅麥四千一百六十石一斗五升九合三勺

秋糧米一十六萬三百七十六石五斗六升六合五勺

農桑本色米五十二石四升九合九勺三抄

商稅等鈔五萬八千一百零九貫四百九十文

魚課折色米五千五百二十二石三斗三升七合

魚膠熟鐵生銅翎毛黃麻共折價銀九十九兩五錢

潮州衛合屬屯田額徵細糧一萬七千四百七十二石

官兵馬疋

潮州衛并合屬額設各官共八十四員旗軍九百零五名  
馬七十八疋

蓬州海門靖海大城程鄉五所額設各官共七十五員旗  
軍一千七百五十二名馬六十一疋

民壯一千八百九十三名弓兵七百四十役

# 肇慶府

北至本府四會縣一百



東至廣州府三水縣一百三十里三水巡司界


南至本府陽江縣四

奇澤驛

三

圖 地 輿

十八里扶溪巡檢司界



百里海陵巡檢司界

肇慶府圖序

肇慶府本漢蒼梧郡高要地劉宋置建綬郡

以居交州流寓

歷齊陳

隋唐宋雖建置不一俱爲端州元符中以潛邸舊號升興慶

軍又改肇慶唐以前皆隸廣西元再更尋復屬廣東國朝爲

府領州一

德慶

縣十

高要附郭四會新興陽春江高明恩平龍水封川開建上二縣俱隸德慶

控江帶山延袤千里

本志據全省上游受湘

桂水已上潯

衆委州邑境內嵯峨疊疊棧居陸梁虔劉我民嶺西用武

地也東北界于清遠或稍寧戢東南以降雙魚

近海海朗

恩平

恩平屬

海陵

恩平屬恩平陽

而高

要新開建封

銅陵

穴經年固帶之憂何時則釋嘗稽往牒審時宜凡關隘營堡

八寸不可失者高要三

白坭 逕雲

恩平三

白蒙 逕石

陽春三

古良錢

高明二

文龍 朱塘

封川二

西河 迪田

開建一

賀縣 東安

龍水三

鐵場雲

德慶三

羅傍 綠水 大刀

其恩陽

江陽

會處

鹿園 黃竹 橋

爲高雷廉瓊

青龍角

要衝昔固有張幟橫行者若新

新興 黃三

高

各邑險扼雖

多而端溪

德慶 古名

獨以百計故鎮以守備爰轄外戍復統于參

將署在

制于兵備

署在 府治

法蓋密矣議者欲于西山

陽春 地

雲廉參大小麗

平曠之地提兵據其腹心羅傍西去三十里

崗曰下城地廣田腴天險四設欲徙兵署

千戶 所

及巡司

之皆長策也迺若變通宜民恩平則時詘舉羸當截新會有

餘以濟燒眉仍節縣驛之費于往返蒼梧諸司或亦小補云

惟茲孝肅

宋待制包拯

遺愛洽于民獠八賢

八賢祠 唐中書令張柬之

尉李紳宋少師劉摯右正言鄧浩學士勸旌久而益振當必  
胡寅編修胡銓丞相留正少傅張世傑

### 肇慶府圖紀

領州一縣十

倉八巡司二十一河  
泊所四水馬驛十三

戶口

戶五萬二千一十六口二十一萬七千一百四十

田糧課稅

官民僧尼道竈田地山塘三萬八千五百一十二頃三十

二畝九分二毫六絲四忽

夏稅麥一百零四石九斗八升六合二勺七抄七撮九圭

三粟



秋糧米一十六萬一千四百八十四石七斗八升一合五勺一抄六撮二圭六粟

農桑本色米一十五石九斗四升七合三抄

商稅等鈔四萬一千二百三十七貫九百七十一文

魚課折色米三千九百七十二石一斗九升四合

黃麻熟鐵魚膠共折價銀一百二十四兩八錢七分七釐九毫

肇慶衛合屬屯田額徵細糧一萬八千三百八十石

新興所屯田額徵八十頃二十畝細糧三千三百六十石  
陽江所屯田額徵四十八頃九十畝細糧一千四百六十石  
六石

德慶所屯田額徵細糧二千零一十六石

官兵馬疋

肇慶衛并合屬額設各官六十九員旗軍七百九十二名

馬十疋

四會所額設各官十五員旗軍二百五十五名馬無

新興所額設各官十五員旗軍二百四十五名馬無

直隸都司

陽江所額設各官十五員旗軍二百八十一名馬三疋

直隸

都司

德慶所額設各官十五員旗軍二百九十名馬無

直隸都司

瀧水所額設各官十五員旗軍三百五十五名馬無

直隸都司

肇慶衛德慶所達官旗目舍共四十員名

民壯二千九百四十九名弓兵一千一百三十七役

高州府

北至梧州岑容

東北至陽春西

山一百四十里

東至陽江千戶所三百里

東南至雙魚所接

陽春西山剿寧地方

焦林圃

此路通西山險要

陀埵間

獅子坡

陽春集八

龍門

電白縣  
神電衛  
立石驛

鄧錫嶽

連頭條

山尾烽燧

雨  
少  
多  
火  
火  
火

用功

東州

北盤江

尖齒蜂

赤水巡司

傳授

新編

東陽

平山巡司

石碧寒

馬櫃銘

木樨

大尉營

關塘堡

紅花寨

玉蘭山

古番圖

府學

府學

嶺底營

南至大

豐頭港一百里。

圖

地

輿


并發海新等海世北國

里十八百七縣

州千戶所八百一十里

西至梁家沙堡一百五十里

西南至礪州巡司接番



五嶺縣十戶所

界海洋

# 高州府圖序

高州府漢末孫權以合浦之高涼縣置高涼郡梁置高州歷隋五代炎宋因革屢異元爲之置路隸海北道國朝爲府洪武八年改爲州尋復又以化州及二縣來屬凡領州一縣五

茂名附郭電白信宜吳州右城二縣俱隸化州

土厚而山環遠

夏宇記

州居三廣之間

郡據叢山之險

圖經

東聯肇廣西達雷廉北枕蒼梧南憑溟海

梁太守李遷仕曾以其地叛自洗氏

梁高涼太守憑寶妻後封石龍太夫人

祖

孫焉益高州總管洗孫也

立奇功宇迺寢寧惟郡北徭山充斥直踵于

西賊焰時張歲爲民厲列邑固均信宜尤慘人亡則田隨以

據池魚林木後殃邇在潘州

古名

之蕭牆故巡司要守則中道

信凌祿

石城

平山林

茂名

梁家沙

州化

營隘重地茂名則四十有奇

電白則三十有奇化州石城則遠近相半而良化黃海連峒  
七甲天門金岡石村三橋陸觀關塘平定獅子等屯徭峒通  
衢我疆域剝床之災也議者欲復高涼舊邑于電白之廢基  
以控諸寨衛府城招集狼人士獍于信宜久失之地以耕以  
守以攻以恢我舊物復裁三合僻驛之供以募曉勇立墩斥  
是或一道焉其寧村吳川地赤水茂名地之墟倭變或生于肘  
腋神電衛在電白縣所轄一帶海澳防禦號令兵符重寄尤不當  
托之匪人守疏則費益熾功成而農亦妨詩曰百室盈止婦  
子寧止又曰知我如此不如無生古今人情全不隔絕繭絲  
保障顧吾所以慎之何如耳

# 高州府圖紀

領州一縣五

遞運所一倉六巡司  
七河泊三水馬驛六

戶口

戶二萬二千八百四十八口八萬六千零六十七

田糧課稅

官民田地山塘一萬四千九百二十九頃二十八畝七分

五釐四毫九絲四忽

夏稅米八十四石七斗二升三合六勺

秋糧米六萬七千九百四十六石三斗八升二合一勺四

抄九撮

農桑本色米三十六石

商稅等鈔二萬六千零五十貫五百五十二文



魚課折色米二千四百一十四石七斗六升八合五勺  
熟鐵八千九百一十三斤八兩六錢魚膠六十四斤五錢  
一分二釐黃麻一千九百八十一斤二錢七分五釐六  
毫

官兵馬疋

神電衛并合屬額設各官六十九員旗軍九百六十八名  
馬二十一疋

高州雙魚信宜陽春寧川五所額設各官共七十五員旗  
軍一千九百二十名馬三十四疋

神電衛達官旗目舍共二十八員名

民壯六百五十九名弓兵一百九十役

# 廉州府


府寧南西廣至北

廣西廉州府

西博白縣界

東至高州府石城縣界一百里

東南至石城縣界



嶺頭冠府本至南

四十五里

# 興地圖

西至分茅嶺三百六十里

橫州三百八十里

化縣四百五十里

西至分茅嶺三百六十里

西南至交趾



雲州水北漢

海洋大抵里十八

廉州府圖序

廉州府古合浦郡吳爲珠官郡尋復劉宋置越州郡歷隋梁  
唐各易置貞觀中改廉州宋改太平軍尋復之元置路我國  
初爲府洪武八年復爲州以欽州爲縣并合浦靈山石康領  
之以隸于雷十四年仍歸爲府欽仍爲州凡領州一欽州縣三

合浦附郭  
靈山石康

成化間賊破石康遂裁省焉鑿山爲城威服蠻獠

元志山勢起伏州流灣迴爲嶺海邊方之壯

本志寧

廣西南寧府

橫廣西

橫州高州府

梧廣西梧州府

環拱郡治層巒巨浸遠鎮交南蓋全廣

重輕海北扼塞兩有攸寄者故兵備特劄于靈山達堡增屯

于衛北合一州二邑編戶不滿百里夏秋所入總三萬六千

常厘海寇伺窺外番之憂獨勞于三嶺

嶺東嶺南嶺西

苟非近裁鎮

守宦臣抑開池冗費通鹽課商利以緩斯民旦夕之命則其

轉溝壑者人不旋踵矣安有今日於戲此聖人惠安元元萬

世澤也守臣果能仰承德意俾重地如天板關欽州地管界長墩

俱巡司防城欽州堡已上內安外攘而林墟西鄉俱巡司洪

厓石隆俱堡屬永平巡司新寮軍哨堡革木山口木港俱堡隸

那暮欽州實八達之衢寇穴所通防則必嚴其永安千戶所

高仰珠場俱巡司如黃沿海俱巡司川江乾禮俱堡屬備倭

之貴尤重且均若夫瑤峒合浦二靈山又爲臟腑之蠹並交

海而注念焉者安得常如四峒之歸嘉靖辛丑大司馬毛公

安南安南使銅柱欽馬援平交趾立銅柱于再標于

青牛城古以光伏波之烈識者又謂博白廣西梧州府屬界于高廉之

間自石城至合浦陸程五百餘里經其地者二日往來疲困  
欲以肇之開建易博白在梧肇不爲損在廉則甚利也惟茲

布衣有疏

宋呂祖恭請誅韓  
侂冑配欽牢城

司諫有錄

宋陳忠肅公瓘論熙  
豐事貶廉嘗作尊堯

錄上下媚川江名而射珠彩爭光百倍具眼者當自覓之

### 廉州府圖紀

領州一縣二

倉三巡司八河泊  
所二水馬醫六

戶口

戶八千一百六十五口五萬四千一百九十

田糧課稅

官民田地塘六千五百八十二頃二十三畝六分二釐九

毫

夏稅麥三石二斗七升四合七勺七抄米九十四石五斗八升九合五勺五抄七撮一圭

秋糧米二萬五千九百七十九石九斗九升三合一勺五抄一撮

官兵馬疋

廉州衛并合屬額設各官五十四員旗軍一千零三十三名馬二十八疋

永安欽州靈山三所共官四十五員旗軍一千一百零四名馬三十一疋

廉州衛達官旗目舍共三十九員名

民壯一千零五十名弓兵二百役

# 雷州府


所戶千城石至北

概半鍾云十口占

陸路二百六十里

東至大洋海陸路二十里

東南至寧海巡司



所戶千安海至南

概十廿四口器隔



# 輿地圖


陸路二百六十里

陸路二百六十里

陸路二百六十里

西至武郎場陸路一百二十里

西南至東場巡司



陸路二百六十里

陸路二百六十里

# 雷州府圖序

雷州府漢置徐聞後屬合浦郡歷齊梁陳始爲雷州更合州府復爲雷州歷代因之元初置安撫司尋改路立海北道宣慰司轄六路三軍州事國朝爲府洪武九年以廣州及四縣

來隸後取回領縣三

海康附郭徐聞遂溪

地濱炎海多平田沃壤有海

道可通閩浙三面並海

圖紀

正北枕高州之石城東西兩隅陸

程直達寧川

千戶所吳川治內

永安

千戶所廉州東南

此三道實策應之地

無此則背水可憂也雷之形勝可險亦可不險焉是故遂溪

首當藩屏而湛川濶州

俱巡司隸遂溪橫山

堡郡西北

樂民

千戶所遂溪境

以及

四十餘隘之重地所以合衛三道門戶以尊堂室者勿爲支

撐目前計可也若錦囊

徐聞境

海安

徐聞南

海康

海康西已上俱千戶所

黑

石清道

俱海康屬

寧海東清

俱徐聞屬已上俱巡司

并齊康

海康古名

徐聞錦囊

之監所以協防環郡海澳以操縱反側子于吾頤指氣使間

俾不敢游心注盼焉者顧容若世祿鄙夫齷齪玩愒而徒爲

囊囊謀哉凡此亡命罔非赤子居重馭輕識蚤圖素長民若

兵者責也詩曰迨天之未陰雨徹彼桑土綢繆牖戶凡此下

民孰敢侮予惟茲西湖之濱

郡城西湖上有旌忠祠祀朱丞相寇萊公

歲寒脩竹

枯而復青潁濱嗣之

城西南隅有潁濱祠祀宋門下侍郎蘇子由二公皆以貶至雷

愈布佳

蔭雷其永苴矣乎

### 雷州府圖紀

領縣三

倉六巡司六河泊所三水禹驛五

戶口

戶二萬四千三百九十二口六萬五千九百七十七

田糧課稅

官民田地山塘一萬二千三百四十四頃九十二畝六分

二釐一毫

夏稅米四十五石二斗九升一合三勺八抄八撮

秋糧米四萬六千一百六十九石七斗九升一撮五圭

商稅等鈔二萬一千四百九十八貫一百一十九文

魚課折色米一千三百二十一石二斗二升一合二勺八

抄

魚膠黃麻熟鐵翎毛共折價銀四十三兩一錢二分一釐

七毫

雷州衛屯田額徵三百一十九頃六十畝細糧五千五百六十二石

官兵馬疋

雷州衛并合屬額設各官六十九員旗軍八百九十三名馬十五疋

石城錦囊海安海康樂民五所額設各官共七十五員旗軍一千四百六十九名馬三十八疋

雷州衛達官旗目舍共三十五員名

民壯七百五十四名弓兵一百八十役

瓊州府


比至海面百二十

東北至清瀾百五十

里外連大海諸番

東至海岸四百五十里外連大海抵諸番

東南至南山五



里百六岸海至南

白黑外連大海抵諸番

圖 地 輿

里直抵徐聞縣界

西北至膽州一百九

十里外連大海諸番

西至海岸四百五十里外連大海諸番

西南至海外四百

[illegible]

十里外連大海諸番

番諸抵海大連外

# 瓊州府圖序

瓊州府自漢罷珠崖梁闢儋耳置崖州歷唐始置瓊州宋爲

瓊管元爲路爲軍民安撫司國朝爲府領州三

儋州萬州崖州縣凡

十

瓊山附郭澄邁臨高文昌樂會會同定安  
昌化隸儋州陵水隸萬州感恩隸崖州

背阻大海限以

天塹三面俯臨軍州勢若建瓴廣藩西南此爲雄郡

外紀縣巨

三千餘里五指

表鎮大山

腹心反爲黎據故郡邑封疆無不濱海

者漸綏附版爲吾聲教地形勝迺甲于天下否則險終在人

元事有燭鑑也

元時黎寇海南盡陷止餘瓊

惟瓊山川澤崇深害浮於利

外邑倚爲安危文武守臣責實重焉黎防之制瓊

瓊山澄邁臨

高樂

會樂

文

昌文

定

安定

諸地舊有營成事久寢弛而倭備亦然守

禦巡司總轄之寄當圖新效不可咎前人之失策也五指羣



崗定安尤險唯會同文昌四野民村又藉清瀾

所戶之衛獨

稱樂土唯儋州獠種雖繁土曠田饒自經大征梗化者七坊

一崗而已領昌化之版籍善黎彌望斥鹵厚儲備邊其良國

哉萬州海山四錯黎無統轄陵水疆域似萬關係猶崖若珠

崖古名則黎悍而夥長技負固禦之者摧恒勤我兵近雖大定

嘉靖壬寅大司馬蔡公經大舉兵討平之亘古未有

然種類生齒履霜之漸不可忘也

故議者干羅活崗欲據以重兵遲以歲月迺置官兵鎮之其

陵水要區之鄰于崖者則界以十字路截其往來竄伏計若

得矣任人爲難矧占城暹羅諸番東南對峙時飄風突來瞭

望實難邇駐參將干崖山

嘉靖辛丑黎人亂乃設

責任有攸兼也感恩

黎衆民稀無城池兵甲恐非長策夫以瓊之沃壤中飽豺狼

之吻藩籬稍疏時且厲我抱大志者每欲批穴擣巢使幕南  
空庭不戢自焚而爲元人之攻取元取繁地極多達時機者必曰勞  
來柔誨俾格心向化儕吾赤子而守國初之昭安大率只此  
二端然其旣也各亦有弊於戲嚴武備馭外番宏綱細目文  
莊大學士邱公濬瓊人著大學衍義補之經濟固存執而弗泥變而弗暌可與  
從政矣

瓊州府圖紀

領州三縣十

遞運所一稅課司一倉七巡司七河泊所七水馬驛十二

戶口

戶五萬五千五百七十五口二十六萬九百五十八

田糧課稅

官民田地山園塘二萬三百一十六頃四十三畝八分三

釐三絲

夏稅米一百五十九石四斗六升四合七勺一抄九撮七圭

秋糧米八萬五千五百二十二石五斗一升九合六勺六抄九圭五粟

農桑本色米一十二石

商稅等鈔四萬七千二百九十七貫六百五十一文

魚課折色米四千四百四十三石五斗一升九合八勺

魚膠翎毛共折價銀七十七兩八錢五分一釐八毫

海南衛屯田額徵四百九十九頃四十畝細糧一萬四千


九百八十二石

官兵馬疋

海南衛并合屬額設各官共八十四員旗軍一千六百一十名馬三十四疋

清瀾萬州南山儋州昌化崖州六所額設各官共九十員旗軍二千二百六十九名馬一百三十七疋

民壯一千六百八十三名弓兵四百四十役



# 南 夷 興

福建界

江西界

海鹽

廣西界

南雄府

韶州府

肇慶府

潮州府

惠州府

布政司  
廣州府

高州府

廉州府

雷州府

瓊州府

虎頭門

婆利

投和

狼牙修

古麻刺

加羅布

層檀

蒲甘

大坭

赤土

真臘

卷之五

四

# 地 之 圖

四



南夷圖序

先民有言地形之有中外如晝之有夜陰之有陽故盛世恒治以不治要在修明內治焉耳古之聖王胥由此選曰食哉惟時柔遠能邇惇德允元而難任人蠻夷率服曰惟德動天無遠弗届曰無怠無荒四夷來王曰明王慎德四夷咸賓故有德者以所樂樂人無德者以所樂樂身睠茲南海諸夷懷德畏威恪謹包茅亦既有年著之祖訓會典撫恤獨至而懋遷有無以資我軍國之需亦未嘗不利王者無外何可絕也顧此編氓自决堤坊罔恤狐兔時或椎髮環耳侏僂人羣鄉導奸利或誘以婦女易以奇貨陳以官司重輕人情好惡凡我虛實皆了然已久往歲寶安之變

正德間佛朗機夷人始稱入貢突入東莞大肆



劫掠盈耳未遠杞人有憂正在叵測君子不可謂之迂也是故  
審敵情占輿地講制馭稽政教廣幅員儲財用綏遠人尊中  
國懷方氏恒托寄譯而導使星務俾節鉞不植獻納必嚴以  
無愧子卿鄭公或若童貫使遼以爲宋無人者亦懼而最焉  
則是圖也豈曰小補

### 南夷圖紀

安南國本漢交趾地

語見事紀

中國嘗以爲郡縣宋始爲徼外封

爲國王國朝洪武二年遣使朝貢

其物有金銀器皿熏衣香降真香沉香速香木香黑

線香白絹犀角象牙紙扇舶使每至廣永樂中又郡縣之宣德五年復封爲國王正德十年黎氏滅其臣莫登庸據而有之貢使不至嘉靖二十年大司馬毛公伯溫蔡公經奉朝命與師討罪莫登庸懼獻四裔地請降詔授都統使二品銜銀

印世襲

占城國本古越裳氏之界在廣之西南東至海西至瓜哇南  
接真臘北連安南東北至廣東舟行順風可半月程至崖州  
可七日程周顯德宋開寶中嘗遣使來貢

其物有通犀帶菩  
薩石犀牙龍腦香

藥孔雀馴象熙寧中令於廣州置驛以歸國朝洪武二年其  
主阿答阿者首遣其臣虎都蠻來朝貢其物有象犀象牙犀  
角孔雀孔雀尾櫛皮抹身香龍腦熏衣香金銀香奇南香土  
降香檀香栢香燒碎香花梨木烏木蘇木花藤香蕪蔓番紗  
紅印花布油紅綿布白綿布烏綿布圓壁花布花紅邊縵雜  
色縵番花子布帕兜羅綿被洗白布泥使回令於廣東布政  
司管待十四年復來朝貢成化  
末其國王古來嘗至廣州去

暹羅國本暹與羅斛二國在占城南國朝洪武四年其國王

參烈照毘牙遣使臣柰思俚儕刺識悉替等來朝貢進金葉

表

其物有象象牙犀角孔雀尾翠毛龜筒六足龜寶石珊瑚  
金界指銅鼓片腦米腦辣腦腦油腦柴檀香速香安息香

黃熟香降真香羅斛香乳香樹香木香烏香丁香阿魏薔薇  
水丁皮琥珀石柴梗藤竭藤黃硫黃沒藥烏爺泥肉豆蔻胡椒

白豆蔻華撥蘇木烏木大楓子苾布油紅布白纏頭布紅撒  
哈刺布紅地絞節智布紅杜花頭布紅邊白暗花布乍連化  
布鳥邊葱白暗花布細棋子花布織人象花文打布西洋布  
織花紅絲打布剪絨絲雜色紅花被面織雜絲竹布紅花絲  
手中織人象雜色紅文絲縵  
使回令於廣東布政司管待

真臘國本扶南屬國東際海西接蒲甘南連加羅希北抵占

城唐武德宋政和中嘗遣使來貢國朝洪武六年其國王忽

兒那遣其臣柰亦吉郎等來貢

其物有象象牙齒木胡椒黃  
犀犀角烏木黃花木土降香

孔雀翎使回令  
政司管待

瓜哇國古本闍婆國東抵古女人國西抵三佛齊國南抵古

大食國北界占城國宋淳化大觀中嘗遣使朝貢國朝洪武

三年其王昔里八達刺遣其臣八的占必等來朝貢

其物有胡椒

安南木銅鼓黃犀鳥爺泥金獅子烏木番紅土黃蠟露布南  
香檀香麻藤香蓮香降香木香乳香龍腦血竭肉豆蔻白豆

菴藤竭阿魏蘆薈沒藥大楓子丁皮番木鱉子悶虫藥碗石  
華澄茄烏香寶石珍珠錫西洋鐵鐵鎗摺鐵刀苾布油紅布  
孔雀火鷄鸚鵡玳瑁孔雀尾翠毛鶴頂犀角象牙龜筒黃熟  
香安息香使回令於廣東布政司管待永樂二年復來朝貢  
滿刺加國在占城南前代不通中國國朝永樂三年其國王  
西刺八兒速刺遣使奉金葉表來朝貢其物有番小厮犀角  
黑熊黑狼白鹿鎖祇金母鶴頂金甌戒指撒哈刺白苾布薑  
黃布撒都細布西洋布花縵片腦梔子花薔薇露沉香乳香  
黃連香金銀香降真香紫檀香丁香胡椒血竭烏參泥象牙  
肉荳蔻珠母殼沒石子阿魏窩站片腦肉菓馬腦珠丁皮磅  
連香竹布蘇合油烏木蘇木大楓子番錫番鹽  
使回令於廣東布政司管待正統間復來朝貢

三佛齊國本南蠻別種在占城南宋建隆初嘗遣使朝貢國

朝洪武四年其國王哈刺札八刺卜遣其臣玉的力馬罕亦

里麻思奉金字表來朝貢

其物有黑熊火鷄孔雀五色鸚鵡

椒肉豆蔻番油子米  
腦六年復來朝貢

浮泥國本闍婆屬國在西南大海中去闍婆四十五日程去

三佛齊四十日程去占城三十日程宋太平興國元豐中嘗

遣使來貢國朝洪武四年其國王馬謨沙遣其臣亦思麻逸

朝貢其物有珍珠寶石金戒指金縷環龍腦腦梅花腦降香沉香速香檀香丁香肉荳蔻黃蠟犀角玳瑁龜筒螺殼

鶴熊皮孔雀倒挂鳥五色鸚鵡黑小廝金銀八寶器永樂六年率其妻子來朝卒於南京會同館

錫蘭山國前代無考國朝正統十年其國王遣其臣耶把刺

謨的里啞等來朝貢其物有寶石珊瑚水晶金戒指撒哈刺象乳香木香樹香上檀香沒藥西洋細

布藤竭蘆薈疏黃烏木胡椒琬石使回令於廣東布政司管待天順三年復遣使來貢

蘇門答刺國前代無考國朝永樂三年其國王鎖丹罕難阿

必鎮遣其臣阿里來朝貢其物有馬犀牛龍涎撒哈刺梭眼寶石木香丁香降真香沉香速香胡椒

青硫黃使回令於廣東布政司管待

大坭國稱隸暹羅助貢國分節年來貿易出產

胡椒乳香血竭降香沒藥

烏丁泥玉泥上檀香蘇木沉香黃檀香蔴黃木食子龜筒象牙打麻番牛角灰筒沉粟香西洋布菱張蓆寶石華撥珠母

殼明乳香竹布片腦檀香丁香皮烏木玳瑁

急蘭丹國正德四年來貿易出產

胡椒烏木丁皮

已上二

易故亦存之嘉靖二年禮部照發附本布政司入貢惟暹羅占城滿刺加瓜哇真蠟五國勘合號簿五扇收候來貢比號其佛朗機國前此朝貢不與正德十二年自西海突入東莞縣界守臣通其朝貢厥後切掠地方乃逐出今不復來廣州船舶出虎頭門始入大洋東洋差近周歲卽回西洋差遠兩歲一回東洋船有鵠頂龜筒玳瑁等物西洋船有象牙犀角珍珠胡椒等物其貴細者往往往滿船若暹國產蘇木地悶產檀香其餘香貨各國皆有之若沉香有黃沉烏角沉至貴者蠟沉削之則卷嚼之則柔皆樹枯其根所結惟奇南木乃沉之生結者犀角有烏犀花犀通天犀復通犀花犀者白地黑花通天犀黑地白花復通犀則通天犀白花中復有黑花此皆希世之貴也鶴頂龜筒玳瑁見說可合惟犀角不苟合故公服以玉與犀爲帶貴其不苟合之義也凡舟之來最大者爲獨檣船能載一千婆蘭番人謂三百斤爲一婆蘭次曰

牛頭船比獨檣得三之一又太日三木船曰料河泊遞得之  
三紹興十七年詔三路船司番商販到龍腦沉香丁香白豆  
蔻四色並  
抽解一分





吳中水利書

欽定四庫全書提要

吳中水利書一卷宋單錡撰錡字季隱宜興人嘉祐四年進士歐陽修知舉時所取士也得第以後不就官獨留心于吳中水利嘗獨乘小舟往來於蘇州常州湖州之間經三十餘年凡一溝一瀆無不周覽其源流考究其形勢因以所閱歷著爲此書元祐六年蘇軾知杭州日常爲狀進於朝會軾爲李定舒亶所劾逮赴御史臺鞫治其議遂寢明永樂中夏原吉疏吳江水門濬宜興百瀆正統中周忱修築溧陽二壩皆用錡說嘉靖中歸有光作三吳水利錄則稱治太湖不若治松江錡欲修五堰開夾埭干瀆以截西來之水使不入太湖不知揚

州藪澤天所以緒東南之水也水爲民之害亦爲民之利今以人力遏之就使太湖乾枯於民豈爲利歟其說特與鏐異歲月綿邈陵谷變遷地形今古異宜各據所見以爲論要之舊法未可全執亦未可全廢在隨時消息之耳蘇軾進書狀載東坡集五十九卷中此書卽附其後書中有併圖以進之語載於其上加貼黃云其圖畫得草略未敢進上乞下有司計會單鏐別畫此本刪此貼黃惟存別畫二字自爲一行蓋此書久無專刻志書從東坡集中錄出此本又從志書錄出故輾轉舛漏如是也

吳中水利書

守山閣叢書 史部

宋單鏐撰

金山錢熙祚錫之校

竊觀三州之水爲害滋久較舊賦之入十常減其五六以日月指之則水爲害于三州逾五十年矣所謂三州者蘇常湖也朝廷屢責監司監司每督州縣又間出使者尋按舊蹟使講明利害之原然而西州之官求東州之利目未嘗歷覽地形之高下耳未嘗講聞湍流之所從來州縣憚其經營百姓厭其出力均曰水之患天數也按行者駕輕舟于汪洋之陂視之茫然猶墮埴索途以爲不可治也間有忠于國志于民深求而力究之然猶知其一而不知其二知其末而不知其本詳于此而略于彼故有曰三州之水咸注之震澤震澤之

水東入于松江由松江以至千海自慶歷以來吳江築長堤橫截江流由是震澤之水常溢而不泄以至壅灌三州之田此知其一偏者也或又曰由宜興而西溧陽縣之上有伍堰者古所以節宣歙金陵九陽江之水由分水銀林二堰直趨大平州蕪湖後之商人由宣歙販運簿木東入二浙以伍堰爲艱阻因相爲之謀罔給官長以廢伍堰伍堰旣廢則宣歙金陵九陽之水或遇五六月山水暴漲則皆入于宜興之荆溪由荆溪而入震澤蓋上三州之水東灌蘇常湖也此又知其一偏者耳或又曰宜興之有百瀆古之所以洩荆溪之水東入于震澤也今已堙塞而所存者四十九條疏此百瀆則宜興之水自然無患此亦知其一偏者也三者之論未嘗參

究其詳以鍰視其蹟自西伍堰東至吳江岸猶人之一身也  
伍堰則首也荆溪則咽喉也百瀆則心也震澤則腹也旁通  
震澤衆瀆則脈絡衆竅也吳江則足也今上廢伍堰之固而  
宣歙池九陽江之水不入蕪湖反東注震澤下又有吳江岸  
之阻而震澤之水積而不洩是猶有人焉桎其手縛其足塞  
其衆竅以水沃其口沃而不已腹滿而氣絕視者恬然猶不  
謂之已死今不治吳江岸不疏諸瀆以洩震澤之水是猶沃  
水于人不去其手桎不解其足縛不決其竅塞恬然安視而  
已誠何心哉然而百瀆非不可治伍堰非不可復吳江岸非  
不可去蓋治有先後且未築吳江岸之先伍堰之廢已久然  
而三州之田尙十年之間熟有五六伍堰猶未爲大患自吳

江築岸已後十年之間熟無二三欲具驗之閱三州歲賦所入之數可以見矣且以百瀆言之古者所以洩西來衆水入震澤而終歸于海蓋震澤吐納衆水今納而不吐鰕竊視熙寧八年時雖大旱然連百瀆之田皆魚游鼈處之地低汙之甚也其田去百瀆無多遠而田之苗是時亦皆旱死何哉蓋百瀆及旁穿小港瀆歷年不遇旱皆爲泥沙堙塞與平地無異矣雖去震澤甚邇民力難以私舉時官又無留意疏導者苗卒歸于槁死自熙寧八年迄今十四載其田卽未有不耕之日歲歲訴潦民益憔悴昔嘉祐中邑尉阮洪深明宜興水利方是時吳中水洪屢上書監司乞開百瀆監司允其請遂鳩工于食利之民疏導四十九條是年大熟此百瀆之驗歲

水旱皆不可不開也宜興所利非止百瀆東有蠡河橫亘荆溪東北透湛瀆東南接罨畫溪昔范蠡所鑿與宜興西蠡運河皆以昔賢名呼爲蠡河遇大旱則淺澱中旱則流通又有孟徑洩瀆湖之水入震澤其他溝瀆澱塞其名不可縷舉夫吳江岸界于吳淞江震澤之間岸東則江岸西則震澤江之東則大海百川莫不趨海自西伍堰之上衆川由荆溪入震澤注于江由江歸于海地傾東南其勢然也慶歷二年欲便糧運遂築此隄橫截江流五六十里致震澤之水常溢而不洩浸灌三州之田每至五六月間湍流峻急之時視之吳江岸之東水常低岸西之水不下一二尺此隄岸阻水之跡自可覽也又睹岸東江尾與海相接處汙澱菱蘆叢生沙泥漲



塞而江岸之東自築岸以來沙漲成一村昔爲湍流奔湧之地今爲民居民田桑棗場圃吳江縣由是歲增舊賦不少雖然增一邑之賦反損三州之賦知幾百倍耶夫江尾昔無茭蘆壅障流水今何致此蓋未築岸之先源流東下峻急築岸之後水勢緩無以滌蕩泥沙以至增積茭蘆生矣茭蘆生則水道狹水道狹則流洩不快雖欲震澤之水不積其可得耶今欲洩震澤之水莫若先開江尾茭蘆之地遷沙村之民運其所漲之泥然後以吳江岸鑿其土爲木橋千所以通糧運每橋用耐水土木棒二條各長二丈五尺橫樑三條各長六尺柱六條各長二丈除首尾占閣外可得二丈餘硤道每一里計三百六十步一里爲橋十所計除占閣外可開水面二

十三丈每三十步一橋也一千條橋共開水面二千丈計一  
十一里四十步也隨橋縱開菱蘆爲港走水仍于下流又開  
白蜆安亭二江使太湖水田華亭青龍入海則三州水患必  
大衰減常州運河之北偏乃江陰縣也其地勢自河而漸低  
上自丹陽下至無錫運河之北偏古有洩水入江瀆一十四  
條曰孟瀆曰黃汀堰瀆曰東函港曰北戚氏港曰五卸堰港  
曰梨溶港曰蔣瀆曰歐瀆曰魏瀆涇曰支子港曰蠡瀆曰牌  
涇皆以古人名或以姓稱之昔皆以洩衆水入運河立斗門  
又北洩下江陰之江今名存而實亡今存者無幾二浙之糧  
船不過五百石運河止可常存五六尺之水足可以勝五百  
石之舟以其一十四處立爲石碶斗門每瀆于岸北先築隄

岸則制水入江若無隄防則水泛濫而不制將見灌浸江陰之民田民居矣昔熙寧中有提舉沈披者輒去五卸堰走運河之水北下江中遂害江陰之民田爲百姓所訟卽罷提舉亦嘗被罪始欲以爲利而適足以害之此未達古人之智以至敗事也竊見錢塘進士余默兩進三州水利徒能備陳功力瑣細之事殊不知本末惟有言得常州運河晉陵至無錫一十四處置斗門洩水北下江陰大江雖三尺童子亦知如此可以爲利然余默雖能言斗門一事合鑿鄙策奈何無法度以制入江之水行之則豈止爲一沈披耶又睹主簿張實進狀言吳江岸爲阻水之患涇函不通其言然則然矣惟言吳江岸而不言措置水之術蓋古之所創涇函在運河之下

用長梓木爲之中用銅輪刀水衝之則草可刈也置在運河  
底下暗走水入江今常州有東西兩函地名者乃此也昔治  
平中提刑元積中開運河嘗云見函管但見函管之中皆泥  
沙以爲功力甚大非可易復遂已今先開鑿江湖海故道堙  
塞之處洩得積水他日治函管則可若未能開故道而先治  
函管是知末而不知本也竊見常州運河之北偏皆江陰低  
下之田常患積水難以耕植今河上爲斜門河下築隄防以  
管水入江百姓由是緣此河堤可以作田圍此洩水利田之  
兩端也宜興縣西有夾苧干瀆在金壇宜興武進三縣之界  
東至太湖及武進縣界西南至宜興北至金壇通接長塘湖  
西接五堰茅山薛步山水直入宜興之荆溪其夾苧干蓋古

人亦所以洩長塘湖東入太湖洩太湖之水入大吳瀆塘口  
瀆白魚灣高梅瀆四瀆及白鶴溪而北入常州之運河由運  
河而入一十四條之港北入大江今一十四條之港皆名存  
而實亡累有知利便者獻議朝廷欲依古開通北入運河以  
注大江自太湖長塘湖兩首各開三分之二焉彼田戶皆豪  
民不知利便惟恐開鑿已田陰構胥吏皆柅而不行元豐之  
間金壇長官奏請乞開朝廷又降指揮委江東及兩浙兩路  
監司相度及近縣官員相視又爲彼豪民計構不行倘開夾  
苧干瀆通流則西來他州入震澤之水可以殺其勢深利于  
三州之田也鐫于熙寧八年歲遇大旱竊觀震澤水退數里  
清泉鄉湖乾數里而其地皆有昔日邱墓街井枯木之根在

數里之間信知昔爲民田今爲太湖也太湖卽震澤也以是  
推之太湖寬廣逾於昔時昔云有三萬六千頃自築吳江岸  
及諸港瀆堙塞積水不洩又不知其愈廣幾多頃也鍰又嘗  
見低下之田昔人爭售之今人爭棄之蓋積年之水千無一  
熟積空頭之稅或遇頻年不收則飢餓丐殍鬻妻子以償王  
租或置其田舍其廬而逋至于酒坊處有水鄉沽賣不行以  
致敗闕者比年尤甚皆緣水傷下田不收故也鍰又嘗遊下  
鄉竊見陂澮之間亦多邱墓皆爲魚鼈之宅且古之葬者不  
卽高山則于平地陸野之間豈卽水穴以危亡魂耶嘗得唐  
埋銘于水穴之中今猶存焉信夫昔爲高原今爲汙澤今之  
水不洩如故也昨熙寧間檢正張鶚命屬吏殿丞劉慤相視

蘇秀二州海口諸浦瀆爲沙泥壅塞將欲疏鑿以決流水慤相視回申以謂若開海口諸浦則東風駕海水倒注反灌民田謬謂慤曰地傾東南百川歸海古人開海口諸浦所以通百川也若反灌民田古人何爲置諸浦耶百川東流則有常西流則有時因東風雖致西流風息則其流亦復歸于海其勢然也凡江湖諸浦港勢亦略同慤雖信其如此然猶有說蓋以昔視諸浦無倒注之患而今乃有之蓋昔無吳江岸之阻諸浦雖暫有泥沙之壅然百川湍流浩急泥沙自然滌蕩隨流以下今吳江岸阻絕百川湍流緩慢慢則其勢難以滌蕩沙泥設使今日開之明日復合又聞秀州青龍鎮入海諸浦古有七十二會蓋古人爲七十二會曲折宛轉者蓋有

深意以謂水隨地勢東傾入海雖曲折宛轉無害東流也若遇東風駕起海潮汹涌倒注則于曲折之間有所回激而泥沙不深入也後人不明古人之意而一皆直之故或遇東風海潮倒注則泥沙隨流直上不復有阻凡臨江湖海諸港浦勢皆如此所謂今日開之明日復合者此也今海浦昔日曲折宛轉之勢不可不復也夫利害掛于眉睫之間而人有所不知今欲洩三州之水先開江尾去其泥沙茭蘆遷沙上之民次疏吳江岸爲千橋次置常州運河一十四處之斗門石碶堤坊管水入江次開道臨江湖海諸縣一切港瀆及開通西涇水旣洩矣方誘民以築田圍昔夾直嘗欲使民就深水之中壘成圍岸夫水行于地中未能洩積水而先成田圍以



狹水道當春夏湍流浩急之時則水常湧行于田園之上非  
 止壞田園且淹浸廬舍矣此不智之甚也欲乞朝廷指揮下  
 兩浙轉運使擇智力了幹官員分布諸縣則不越數月其功  
 可畢所有創橋疏通河港置斗門利便制度不在規規而言  
 也今所畫三州江湖溪海圖一本但可觀大略港瀆之名亦  
 布其一二耳欲見其詳莫若下蘇常湖諸縣各畫溪河溝港  
 圖一本各言某河某瀆通某縣某處俟其悉上合而爲一圖  
 則纖悉若視于指掌之間也鍰又覩秀州青龍鎮有安亭江  
 一條自吳江東至青龍由青龍洩水入海昔因監司相視恐  
 走透商稅遂塞此一江其江通華亭及青龍夫籠截商稅利  
 國能有幾耶堰塞湍流其害實大又況措置商稅不爲難事

竊聞近日華亭青龍人戶相率陳狀情願出錢乞開安亭江  
見有狀桂本縣官吏未與施行近又訪得宜興西潞湖有二  
瀆一名白魚灣一名大吳瀆洩潞湖之水入運河由運河入  
一十四處斗門下江其二瀆在塘口瀆之南又有一瀆名高  
梅瀆亦洩潞湖之水入運河由運河入斗門在吳瀆之南近  
聞知蘇州王覲奏請開海口諸浦鏐竊謂海口諸浦不可開  
今開之不逾時或遇東風則泥沙又合矣嘗觀考工記曰善  
溝者水嚙之善防者水淫之蓋謂上水湍流峻急則自然下  
水泥沙嚙去矣今若俟開江尾及疏吳江岸爲橋與海口諸  
浦同時興工則自然上流東下嚙去諸浦泥沙矣凡欲疏導  
必自下而上先治下則上之水無不疏若先治上則水皆趨

下漫滅下道而不可施功力其勢然也故今治三州之水必先自江尾海口諸浦疏鑿吳江岸及置常州一十四處之斗門築堤制水入江北與吳江兩處分洩積水最爲先務也然鍰觀合開三州諸瀆港不必全籍官錢蓋三州之民憔悴之久人人欲開故半可以資食利戶之力也今略舉其一二若開江尾疏吳江岸爲橋遷吳江岸東一村之民開地復爲昔日之江置一十四處之斗門并築一十四條隄制水入江開夾苧干白鶴溪白魚灣大吳瀆塘口瀆宜興東蠡河則上非官錢不可開也若宜興之橫塘百瀆蘇州之海口諸浦安亭江江陰之季子港春申港下港黃田港利港宜興縣之塘頭瀆及諸縣凡有自古洩水諸港浜瀆盡可資食利戶之力也

莫若先下三州及諸縣抄錄諸道江湖海一切諸港瀆溝浜自古有名者及供上丈尺之料功力之費或係官錢或係食利私力期之以施工日月同日開鑿同日疏放若或放水有先後則上水奔湧東下衝損在下開浚未畢溝港以故須同日決放也或者有謂昔人創望亭呂城奔牛三堰所以慮運何之水東下不制是以制堰以節之以通漕運自熙寧治平間廢去望亭呂城二堰然亦不妨綱運者何耶鶚曰昔之太湖及西來衆水無吳江岸之阻又一切通江湖海故道未嘗壅塞故運河之水常慮走洩入于江湖之間是以制堰以節之今自慶歷以來築置吳江岸及諸港浦一切壅塞是以三州之水常溢而不洩二堰雖廢水亦常溢去堰若無害今若

洩江湖之水則二堰尤宜先復不復則運河將見涸而糧運不可行此灼然之利害也又若宜興創市橋去西津堰蓋嘉祐中邑尉阮洪上言監司就長橋東市邑中創一橋使運河南通荆溪初開鑿市街乃見昔日橋柱尙存泥中咸謂古爲橋于此也又運河之西口有古西津堰今已廢去久矣且古之廢橋置堰以防走透運河之水今也置橋廢堰以通荆溪則溪水常倒注運河之內今之與古何利害之相反耶鶚以爲古無吳江岸衆水不積運河高于荆溪是以塞橋置堰以防洩運河之水也今因吳江岸之阻衆水積而常溢倒注運河之內是以創橋廢堰見利而不見害也今若治吳江岸洩衆水則運河之水再防走洩當于北門之外創一堰可也其

利害蓋如此也或又曰竊觀諸縣高原陸野之鄉皆有塘圩或三百畝或五百畝爲一圩蓋古之人停蓄水以灌漑民田以今視之其塘之外皆水塘之中未嘗蓄水又未嘗植苗徒牧養牛羊畜放鳬雁而已塘之所創有何益耶鏐曰塘之爲塘是猶堰之爲堰也昔日置塘蓄水以防旱歲今日三州之水久溢而不洩則置而爲無用之地若決吳江岸洩三州之水則塘亦不可不開以蓄諸水猶堰之不可不復也此亦灼然之利害矣苟堰與塘爲無益則古人奚爲之耶蓋古之賢人君子大智經營莫不除害興利出于人之所未到後之人淺謀管見不達古人之大智顛倒穿鑿徒見其害而未見其利也若吳江岸止知欲便糧運而不知遏三州之水反以爲

害又若廢青龍安享江徒知不漏商旅之稅又不知反狹水道以遏百川今之人所以戾古者凡如此也陂竊觀無錫縣城內運河之南偏有小橋由橋而南下則有小瀆瀆南透梁溪瀆有小堰名單將軍堰自橋至梁溪其瀆不越百步堰雖有亦不渡船筏梁溪卽接太湖昔所以爲此堰者恐洩運河之水昔熙寧八年是歲大旱運河皆旱涸不通舟楫是時陂自武林過無錫因見將軍堰旣不渡舟筏而開是瀆者古人豈無意乎因語邑宰焦千之曰今運河不通舟楫竊觀將軍堰接運河去梁溪無百步之遠古人置此堰瀆意欲取梁溪之水以灌運河千之始以陂言爲狂終則然之遂率民車四十二管車梁溪之水以灌運河五日河水通流舟楫往來信

夫古人經營利害凡一溝一瀆皆有微意而今人昧之也嘗  
見蘇州之茜涇昔范仲淹命工開導以洩積水以入于海當  
時諫官不知蘇州患在積水不洩咸上疏言仲淹走洩姑蘇  
之水蓋不知其利而反以爲害今茜涇自仲淹之後未復開  
鑿亦久堙塞鏐存心三州水利凡三十年矣每睹一溝一瀆  
未嘗不明古人之微意其間曲折宛轉皆非徒然鏐今日之  
議未始增廣一溝一瀆其言與圖符合若非觀地之勢明水  
之性則無以見古人之意今并圖以獻惟執事者上之朝廷  
庶幾三州憔悴之民有望于今日也

貼黃

其圖畫得草略未敢進上乞下有司計會單鏐別畫



一先開吳江縣江尾茭蘆地

一先遷吳江沙上居民及開白蚬江通青龍鎮安亭江通海

一先去吳江岸土爲千橋

一先置常州運河斗門二十四所用石硤并築堤管水入江

一次開夾苧千白鶴溪白魚灣塘口瀆大吳瀆令長塘漏湖

相連走洩西水入運河下斗門入江

一次開宜興百瀆見今只有四十九條東入太湖

一次開蘇州茜涇白茅七鴉福山梅里諸浦

一次開江陰下江黃田春申季子竈子諸港

一次根究臨江湖海諸縣凡洩水諸港瀆並皆疏鑿

伍堰水利

昔錢舍人公輔爲守金陵嘗究伍堰之利雖知伍堰之利而不知伍堰以東三州之利害鏐知三州之水利而未知伍堰以西之利害一日錢公輔以世所論伍堰之利害與鏐參究方知始末利害之議完也公輔以爲伍堰者自春秋時吳王闔閭用伍子胥之謀伐楚始創此河以爲漕運春冬載二百石舟而東則通大湖西則入長江自後相傳未始有廢至李氏時亦常通運而制牛于堰上挽洩船筏于固城湖之側又常設監官置解宇以收往來之稅自是河道淤塞堰埭低狹虛務添置者十有一堰往來舟筏莫能通行而水勢遂不復西及遇春夏大水江湖汎漲則圍頭王母龍潭三澗合爲一道而奔衝東來河之不治愈可見也今若開通故道而存留

銀林分水二堰則諸堰盡可去矣所欲存二堰者蓋本處銀林堰以西地形從東迤邐西下自分水堰以東地形從西迤邐東下而其河自西壩至東壩十六里有餘開淘之際須隨逐處地形之高下以濬之然後江東兩浙可以無大水之患然銀林堰南則通建平廣德北則通溧水江寧又當增修高廣以俟商旅舟船往還之多可以置官收稅如前之利此伍堰之所以不可不復也今莫若治伍堰使上之水不入于荆溪而由分水銀林二堰直趨太平之蕪湖下治吳江之岸爲千橋使太湖之水東入于海中治百瀆之故道與夫蘇常湖三州之有故道旁穿于太湖者雖不可縷舉而槩可以跡究也難者曰雖復伍堰奈何伍堰之側山水東下乎復堰無益

也鐔答曰由伍堰而東注太湖則有宣歙池廣溧水之水苟復堰使上之水不入于荆溪其餘之水寧有幾耶比之未復十須殺其五六耳難者乃服

按宋神宗元豐間議興水利蘇文忠公知杭州上封事獻單鐔書史不概載且羅中丞李定舒亶劾奏非神宗決桑田之詠幾釀大禍矣蓋其時以蘇公見忌而豈有于錄鐔哉易曰屯其膏施未光也嗚呼南渡之治可以鑒矣

歸震川曰太湖入海之道獨有一路所謂吳松者顧江自湖口距海不遠有潮泥填淤反土之患爲民所占所以松江日隘昔人別鑿港浦以求一時之利而淞江之勢日失海口遂至堙塞豈非治水之過歟宜與單鐔著書爲蘇子

瞻所稱然欲修伍堰開夾苧干瀆以截西來之水使不入太湖不知揚州藪澤天所以豬東南之水也今以人力遏之夫水爲民之害亦爲民之利就使太湖乾枯于民豈爲利哉治吳之水宜帑力于松江松江旣治則太湖之水東下而餘水不勞餘力矣或曰禹貢三江旣入震澤底定吳地尙有東江婁江與松江爲三震澤所以入海非一江也曰張守節史記正義云一江西南上太湖爲松江一江東南上至白蜆湖爲東江一江東北下曰婁江本言二水皆松江之所分流水經所謂長瀆歷湖口東則松江出焉江水奇分謂之三江口者也而非禹貢之三江大抵說三江者不一惟郭景純以爲岷江浙江松江爲近蓋經特紀揚

州之水今之揚子江錢塘江松江並在揚州之境而松江由震澤入海經蓋未之及也由此觀之則松江獨承太湖之水其源近不可比擬揚子江而深闊當與相雄長范蠡云吳之與越三江環之夫環吳越之境非岷江浙江松江而何則古三江並稱無疑故治松江則吳中必無他水之患然必令深闊與揚子江埒而後可言復禹之績也 按

此以岷江松江錢塘江爲三江與蔡註不同更參之按太湖禹貢曰震澤爾雅曰具區左傳曰笠澤史記曰五湖皆此也五湖者張勃吳錄云周行五百里故名虞仲翔云東通長洲松江南通烏程霅溪西通義興荆溪北通晉陵滬湖東連嘉興韭溪水凡五道故謂之五湖按今湖中自有

五湖曰菱湖莫湖遊湖貢湖胥湖五湖之外又有三小湖  
梅梁湖金鼎湖東臯里湖總謂之太湖 宜興有三湖太  
湖滆湖洮湖洮湖又在滆湖西北義興記太湖射湖貴湖  
陽湖洮湖是謂五湖

進單鏐吳中水利書

蘇軾

臣竊聞議者多謂吳中本江海太湖故地魚龍之宅而居民  
與水爭尺寸以故常被水患蓋理之當然不可復以人力疏  
治是殆不然臣到吳中二年雖爲多雨亦未至過甚而蘇常  
湖三州皆大水害稼至十七八今年淫雨過常二州之  
水遂合爲一大湖松江與海渺然無辨者蓋因二年不退之  
水非今年積雨所能獨致也父老皆言此患所從來未遠不

過四五十年耳而近歲特甚蓋人事不修之積非特天時之  
罪也三吳之水豬爲太湖太湖之水溢爲松江以入海海水  
日兩潮潮濁而江清潮水常欲淤塞江路而江水清駛隨輒  
滌去海口常通故吳中少水患昔蘇州以東官私船舫皆以  
篙行無陸挽者古人非不知爲挽路以松江入海太湖之咽  
喉不敢鯁塞故也自慶歷以來松江始大築挽路建長橋植  
千柱水中宜不甚礙而夏秋漲水之時橋上水長高尺餘況  
數十里積石壅土築爲挽路乎自長橋挽路之成公私漕運  
便之日葺不已而松江始艱噎不快江水不快軟緩而無力  
則海之泥沙隨潮而上日積不已故海口湮滅而吳中多水  
患近日議者但欲發民浚治海口而不知江水艱咽雖暫通



快不過歲餘泥沙復積水患如故今欲治其本長橋挽路固  
 不可去惟有鑿挽路于舊橋外別爲千橋橋拱各二丈千橋  
 之積爲二千丈水道松江宜加迅駛然後官私出力以浚海  
 口海口旣浚而江水有力則泥沙不復積水患可以少衰臣  
 之所聞大略如此未得其詳舊聞常州宜興進士單鏐有水  
 學故召問之出所著吳中水利書一卷且口陳其曲折則臣  
 言止得十二三耳臣與知水者考論其書疑可施用謹繕寫  
 一本繳連進上伏望聖慈深念兩浙之富國用所恃歲漕都  
 下百五十萬石其他財賦供餽不可悉數而十年九澇公私  
 凋敝深可愍惜乞下臣言與鏐書委本路監司躬親按行或  
 差強幹知水官吏考實其言圖上利害臣不勝區區謹錄奏

聞伏候敕旨

單鏐字季隱宜興人錫之弟登嘉祐四年進士

已亥劉不  
輝榜

就官獨乘一小舟徧歷三州

蘇常湖

水道經三十年一溝一

瀆無不周覽考究著吳中水利書蘇軾知杭州時嘗錄其書進于朝不果行遂隱居不仕李公擇誌其墓云才不竟于所用命不副于所學後至明時夏原吉治水疏吳江水門濬宜興百瀆周忱撫吳修築溧陽二壩皆如鏐策鏐墓在頤山之右

吳中水利書終



四明它山水利備覽

欽定四庫全書提要

四明它山水利備覽二卷宋魏峴撰峴鄞縣人官朝奉郎提舉福建路市舶鄞故有它山一水其始大溪與江通流鹹潮衝接耕者弗利唐太和七年邑令王元暉始築堰以捍江湖於是溪流灌注城邑而鄞西七鄉之田皆蒙其利歲久廢壞宋嘉定間峴言於府請重修且董興作之役因爲是書記之上卷雜志源流規制及修造始末下卷則皆碑記與題詠詩也按新唐書地理志載明州鄞縣按鄞縣在唐爲鄞縣南二里有小江湖溉田八百頃開元中令王元緯置東二十五里有西湖溉田五百頃天寶二年令陸南金開廣之今此編稱它山水入於南門

緒爲日月二湖其曰湖卽小江湖月湖卽西湖謂二湖  
皆王元暉所浚而不言有天寶之陸南金似有缺略至  
於以元暉爲元緯以太和七年爲開元中則此編所載  
諸碑記及唐僧元亮詩證佐顯然足以糾正唐志之謬  
不得以史異文爲疑矣此書在地志之中頗爲近古宋  
四明郡志嘗採其說然傳本頗稀幾於泯沒明崇禎辛  
巳郡人陳朝輔始得舊帙梓行板亦散佚首有峴及朝  
輔二序而末以四明志序附焉蓋卽從陳本錄出者也

序

蓋溝洫始于夏禹經界始於商高宗而水利所繇興若周官營溝行水之制止水蓄水之令犁然大備昔之爲民興利者時行視郡中水泉開通陂池起水門提閘數十處以廣灌溉此王政必務其大也唐鄧令王公元暉之作堰它山也關吾鄉旱澇豐歉之數綦鉅而渾衍不適于度茨堦不愆于防漏井堰瀦不平其衡水屬梢溝不符于則此不令經界偕溝瀆胥病耶郡乘間採宋魏峴它山水利備覽之說而全帙漫漶莫稽顛末頃林郡公屬吾年友楊齊莊補此志之缺予過從商榷繙几上得之詢是鍾潭舊家藏此鈔本亦成化間物也齊莊指示予此卽不得爲指南車或亦借作驅山鐸而予亦

驚喜見所未見因先壽諸鐫以傳夫志牒之尙于過存也卽如孫叔敖芍陂一事史僅約略言之使不攷唐六典疇知此陂首受嶠之淝水又疇知濠水流注陂中不攷水經注疇知淝水東北經白芍亭下東集爲湖而芍陂以此得名不攷元和志疇知此陂外楚相又作陽泉大業諸陂不讀鴻烈疇知芍陂之卽是期思不攷三國志及鳳陽郡志疇知尙書郎鄧艾重修于建安間旁爲立十小陂利被沿淮廣陵數十鎮不攷隋書疇知趙軌之修開六門爲三十六門灌田至五千頃夫以彼章章如是而博雅君子猶有未能盡臚其事者何況僻在東南又僅藉寥寥文獻爲足徵討論功疎吾黨亦與有其責矣禮有之上有大澤則夫人待于下流此卽善溝水漱



之說也易有之地中有水師君子以容民畜衆此卽善防水  
淫之說也漱則爲川爲渠淫則爲澤爲陂必如此而後盡溝  
瀆之利必如此而後倍經界之獲坎止流行之象不畸爲水  
利設而水利之大通之政矣漱流之說可以旁通者予得唐  
崔瓘之記大業陂曰揆腐曝淤倍高徹卑又曰橫殺衝波泄  
流引洫卽是數語足賅水經又得之穆員之記石斗門曰善  
爲水者不與之競如斧斯銳以分其衝如月斯仰以折其勢  
宛然喉深口速之象猶指諸掌以備覽方溝洫志河渠書或  
不足以方崔穆二記有餘矣而又安知崔穆二記是修溝洫  
河渠者所必收乎故此等書通都大邑未必得而板扉小築  
中或得之鍾氏之藏所謂禮失求之野也予以得購訪遺書

之法玉軸牙籤未足錄而殘篇蠹簡中足錄之齊莊之采所謂謀于野則獲也予以得網羅舊聞之法要以水利經畫自叔敖李冰史起以下漢則有若劉信文翁鄭當時兒寬召信臣王景諸人唐則有若雲得臣長孫祥李襲黎幹溫造孟簡諸人宋則有若范文正劉彝呂頤浩錢良臣諸人我明則有宋公禮劉公大夏陳公瑄徐公有貞朱公衡潘公季馴諸人計此一代遠猷百年碩畫暇時並當全齊莊輯成全部以商治河通漕之略俾王公與前後諸賢並垂又俾此書亦與前後諸賢紀述並傳是豈在宋徐節孝先生治河議之下而不遠出我朝戴村白老人獻策之上哉經濟君子循覽是書廢修墜舉當不僅爲此地旱澇豐歉之計大埤贊已也齊莊大

小並識今古兼綜新志成行將重于琬炎而借此稿本作津  
梁是書之傳又無俟予言之畢矣崇禎辛巳七月旣望前柱  
下史郡人陳朝輔燮五氏謹序



序

民以食爲天然以滋以灌生是百穀而粒我烝民者非水之功乎此六府養民所以首水而終穀也田而不水雖后稷無所施其功鄞邑之西鄉所仰者惟它山一源厥初大礪與江通涇以渭濁耕鑿病焉唐太和七年邑令瑯琊王公元暉度地之宜疊石爲堰治鐵而錮之截斷江湖而溪之清甘始得以貫城市澆田疇于是瀦爲二湖築爲三埭疏爲百港化七鄉之瀉鹵而爲膏腴雖凶年公私不病人飽粒食官收租賦歲歲所獲爲利無窮可謂功施國德施民矣然時有旱潦則當蓄泄水有通塞則當啓閉埭埭當修沙土當扞不無待于後之人峴幼嘗奉教于先生長者以爲學道愛人之方不必

拘其事苟可以致其愛人之心無非道也家距堰不數里自  
間鑄來歸閒居十餘年日與田夫野老話井里間事且州家  
嘗屬以任修塌淘沙造閘之責益得以講源委究利病又攷  
圖志所載及前哲記文粗知興造增修之繇參以已見編爲  
一帙目曰四明它山水利備覽庶幾講明水政者觀此或易  
爲力云大宋淳祐二年上元節里人魏峴書

四明它山水利備覽卷上

四庫全書原本

守山閣叢書 史部

宋魏峴撰

金山錢熙祚錫之校

它山水源

它山之水源自越山委蛇縣歷幾二百里繇上虞縣分水嶺

一名斤嶺自趾至顛凡十六里故名

百餘里然後歷大小皎密岩樟村桓村平

水此其大派也又一派出杖錫山並合衆山之流會于大磨

至于它山磨通大江潮汐上下清甘之流醺泄出海瀉鹵之

水衝接入磨來則溝澮皆盈出則河港俱涸田不可稼人渴

于飲唐太和七年邑令王侯元暉相地之宜以此爲水道所

歷喉襟之處規而作堰截斷鹹汐導大溪之流自堰之上北

入于溪百餘丈折而東之經新安歷洞橋此前港也自鎮都

入惠明橋至仲夏二水至新堰而合流經北渡櫟社新橋入  
南城甬水門瀦爲一湖曰日月暢爲支渠脈絡城中以飲  
以灌出西城望京門繇望春橋接大雷林村之水直抵西渡  
其間支分派別流貫諸港灌溉七鄉田數千頃天之旱潦有  
不可必此水歲可恃以爲常田事仰之實爲霖雨自唐逮今  
四百十有六年民食之所資官賦之所出家飲清泉舟通物  
貨公私所賴爲利無窮先賢堰是而以此水錫吾邦人所以  
爲生民立命也

### 置堰

侯之經營是堰也厯覽山川相地高下見大溪之南沼流皆  
下其北則皆平地至是始有小山虎踞岸旁以其無山相接



故謂它山詳見鄭志南岸之山勢亦俯瞰如飲江之虹二山夾流鈐鎖兩岸其南有小峙二屹然中流有捍防之勢人目爲強堰其北小山之西支港入溪則七鄉水道襟喉之地因遂堰焉由是溪江中分鹹鹵不至清甘之流輸貫諸港入城市遶村落七鄉之田皆賴灌溉

七鄉曰通遠光同桃源句章清道武康東安

### 堰規制作

它山乃衆流胥會之地每歲至秋萬山之間洪水暴漲湍激迅疾極目如山海侯之爲堰也規其高下之宜撈則七分水入於江三分入於溪以洩暴流旱則七分入溪三分入江以供灌溉堰脊橫闊四十有二丈覆以石版爲片八十有半左右石級各三十六歲久沙淤其東僅見八九西則皆隱于沙

堰身中定擎以巨木形如屋宇每遇溪漲湍急則有沙隨實其中俗謂護隄沙水平沙去其空如初土人以杖試之信然堰低昂適其廣狹中度精緻牢密功侔鬼神與其它堰埭雜用土石竹木輒篠稍久輒壞者不同常時大溪之水從堰入江下厯石級狀如噴雪聲如震雷耆老相傳立堰之時深山絕壑極大之木人所不能致者皆因水漲乘流忽至其神矣乎

### 梅梁

梅梁在堰江沙中鄞志謂梅子眞舊隱大梅山梅木其上爲會稽禹祠之梁其下在它山堰亦謂之梅梁禹祠之梁張僧繇圖龍于其上風雨夜或飛入鑑湖與龍鬪人見梁上水淋

漓而蘋藻滿焉始駭異之乃以鐵索鎖于柱它山堰之梁其  
大逾抱半沒沙中不知其短長橫枕堰址潮過則見其脊偃  
然如龍臥江沙中而百年不朽暴流湍急儼然不動有草一  
叢生於上四時長青耆老傳以爲龍物亦聖物鎮鎮者耶

### 三場

侯旣作堰慮暴流之無所泄遂爲三場以啓閉蓄泄澇則釃  
暴流以出江旱則取淡潮以入湖平時則爲湖港之侯耆老  
謂侯自堰口浮三瓢聽其所至而立焉由堰之東十有五里  
爲烏金場

俗謂上水場

又東三里爲積瀆場

俗謂下水場

又東二十七

里爲行春場

俗謂右場

此小溪鎮入南城甬水門河渠也皆隨地

之宜而爲之四明烏金場久廢嘉定辛巳峴請于朝重建詳

見郡志及烏金竭志

日月二湖

鄞志稱城中日月二湖皆源于四明山自它山入于南門瀦  
爲二湖在城西南隅月湖中有十洲三島之勝湖之支渠繚  
繞城市往往家映修渠人酌清沚又云四明山之旁亦山萃  
焉雨盛則澗壑交會出爲漫流無以瀦之其涸可立而待非  
特民渴于飲而河內海潮以之灌漑田皆斥鹵耕種廢矣唐  
太和中侯乃視地高下伐木斲石橫巨流而約之浚二湖以  
受其入旣田八百餘頃唐地理志載鄞縣下注云南二里有  
小江湖大和中令王元暉置小江湖卽日湖也以此攷之人  
知侯置堰而已而不知疏南城一帶之河立三竭浚二湖皆

侯之功也崇寧間楊蒙爲重修它山堰記云唐王元暉令鄞導它山出水作堰江溪約水勢貫城以入豬爲平湖疏爲長河掬爲幽沼後人德之爰立廟貌舒公信道西湖引水記西湖卽月湖也時有旱而引它山之水入月湖以濟一城之所用邦人喜而公爲之記也今城中十萬戶日用飲食可不知所自乎

廣德湖仲夏堰已廢並仰它山水源

唐地理志載鄞縣其下注云西十二里有廣德湖溉田四百頃貞元十一年刺史任侗因故迹增修西南十里有仲夏堰溉田四千頃太和六年刺史于季夏築今湖堰並廢寶慶二年郡守尙書胡桀再修鄞志旣載廣德湖興廢之由復附言

于後曰今歲夏初愆陽再旬東鄉惟恃錢湖以不恐西鄉渠  
流已竭舟膠不行幸而禱雨隨應錢湖猶可以資灌溉而它  
山堰水決無可救之理此蓋未知它山之水源深流長也峴  
屢因亢陽惜水之泄從權以土石增障堰上約鄞江之水以  
入溪又浚水口淤沙引水以入田故水勢流貫諸港滔滔不  
已使有人焉力行障堰排沙之說則何旱之足慮謂其無救  
于旱則誤矣或曰廣德廢湖之田中間川渠及仲夏之港縱  
橫流貫豈無大雷林邨建畧之流何獨它山夫言水利者不  
必言其流衍之時而當言其旱涸之際如流衍之時何往無  
水惟亢旱不竭方足恃也大雷林邨建畧之水山近源淺常  
時與它山合流絕無以別稍遇旱涸則流必先竭至它山之

流獨共輸灌以此言之雖謂悉仰它山之水可也

### 淘沙

四明水陸之勝萬山深秀昔時巨木高森沿溪平地竹木蔚然茂密雖遇暴雨湍激沙土爲木根盤固流下不多所淤亦少闔閭良易近年以來木植價穹斧斤相尋靡山不童而平地竹木亦爲之一空大水之時旣無林木少抑奔湍之勢又無包纜以固沙土之致使浮沙隨流而下淤塞溪流至高四五丈縣亘二三里兩岸積沙侵占溪港皆成陸地其上種木有高二三丈者繇是舟楫不通田疇失旣人謂古來四季一浚今旣積年不浚宜其淤塞嘉定己亥旱勢如焚田苗將稿峴隨宜爲浚流障水之策一縣出賑涓涓其來流貫百港

隨水所及俱獲霑溉夫浚之一寸則田獲寸水之利浚之一尺則田獲尺水之利浚之愈深所灌愈遠爲利愈博矣雖然淘沙當于未旱之先又當弃之空間無用之地何則夫旱歲淘沙此救一時之急耳是時農夫皆自欲車注以救就槁之苗其勢不可久役稍或違時苗已槁矣宜于未旱之前農隙之餘多其工役假以日月務令深廣庶幾可久天下之事不勞者不能逸不暫費者不久安若憚費畏勞用功不深其効亦淺或略闔沙中之港而不知港中之沙止可爲旱歲急救旱苗之計經一小雨則沙隨淤塞或去港沙而堆兩畔經一大雨則仍前洗入港中如能運沙遠去江近則去於江水之中江遠則堆于空間之地庶幾可久然地皆民地種植所資



安得空閒宜臨時相視遇窳坎空閒處不憚稍遠則可矣但  
戒董役之人務在公平不得容私獨堆一處則人心自服如  
能浚深一尺或二尺其利尤博閩浚之時先宜壅住上流然  
後從下流爲始庶得沙乾不先爲水所浸役夫易以用力淳  
祐元年辛丑歲沙淤尤甚高出水面至四五尺自堰港口至  
新安廟前凡五百餘丈舟楫不通峴聞于鄉余大參天錫見  
委提督浚治役夫人給米二升省錢四十足和僱三鄉通遠  
光同  
章句人戶及輪差柴船戶各備鋤擔先期約日標識界分令各  
甲管認丈尺晨至暮放至則記名印臂以見大數放則點名  
辨印以給錢米錢米纔給印臂隨拭峴親自監臨務令均平  
著實顧直旣優給散以時視其勤惰量加賞罰人心歡趨且

不敢慢自十月十日甲子鳩工至十一月二十六日迄事是役也助以姪澍且令兒輩監視及放水口奔湍而入勢如江湖始焉堰上之水其高尺餘移時之間堰水低平盡引入港壬寅七月以連雨水漲港沙復淤鄉帥陳大卿埜復委峴閩浚迴沙聞成更欲去沙令深亦委峴淘沙程趙二公給田收租歲充淘沙僱夫之用先是嘉定七年權府提刑程公覃捐緡錢千有二百貫置田四十畝三角二十九步收租穀一百一十四石一斗五升係西郭斗斛歲充它山淘沙之用嘉熙三年峴嘗以沙淤利便乞增置田畝前政都丞趙公以夫給到劉泳沒官田二十九畝三角二十五步每年收租米二十一石二斗二公慮民之意可謂遠而惠民之德可謂厚程公

所置穀田始委鄉之上戶掌其租入督以邑丞上戶不欲與  
聞官事委之雲濤觀觀又不欲遂歸丞廳歲旱之時民救將  
槁之苗如救氣絕之命穀旣在官臨時申請緩不及事近者  
連歲旱涸峴多自出力僱募闔淘然私家之力終不如官使  
穀在丞廳遇旱卽發濟用不淺緣上下申請其勢未免轉摺  
倉卒糶穀價錢減而僱直輕淘沙不過半日僅如人家闔掘  
溝瀆分開中間一綫水路而已所辦倉卒何暇深廣趙公所  
給米田契書發下丞廳租米付與雲濤觀觀又辭不受然峴  
思之不若府倉自行收積遇有旱暵遣吏開淘然恐細民畏  
懼官府不敢申請稽留日久無及救旱莫若委小溪監鎮就  
近兼措置淘沙事遇旱則行支請庶免緩不及事之患夫旱

曠之時官府祈禱徧處名山靡神不舉靡愛斯牲猶有弗應  
如能于不雨之際用功深浚沙港并浚南門沿河高仰之處  
自然水應可供車注開集鄉社各開近地河港家出一老人  
各兩日輪僱處處開掘以接它山之水則處處有水矣禱固  
未必卽應浚河其効可必所貴官民各勿憚煩當旱乾時人  
心欲水恨無可浚縱無僱直人亦樂趨如穀米寬裕給之固  
善所慮諸鄉各浚近地役徒之衆不可徧給耳程公所給穀  
田當申朝廷照會永充它山淘沙之用趙公所給米田亦宜  
如程公穀田申朝廷照會

### 防沙

它山一徑其地皆沙內水之咽旣窄引水之港復狹以致流

沙易于擁塞沙之入港凡有三焉七八月之間山水暴漲極目如海平地之上水深丈餘湍急迅疾西岍之沙逕從平地橫戛入港須臾淤滿一也或遇積潦雖不沒岸而溪亦湍急沙隨急流迤邐入港日引月長不覺淤塞二也自港口至馬家營一帶兩岸之沙或因霖雨衝洗或因兩岸坍損或因木植衝激積久不已亦能填淤三也欲障平地之沙宜于西岸去港一二里量買地段南自港口北自山下以屬于溪北去港遠南去港近帶斜築壘隄以麓石闊爲基址高七八尺外植檉柳之屬令其根盤錯據歲久沙積林木楸盛其隄愈固必成高岸可以永久欲障積潦湍流入港之沙宜就吳家橋南港狹去處立爲石閘中頓閘板五六片略與岸平水輕在

上沙重在下水從板上不妨自流沙遇閘板礙住不行沙之所淤不通閘外三四十丈淘去良易板之爲限以水爲水漲則下水平則去啓閉以時不病舟楫欲障兩岸之沙宜于兩岸打榕椿用埤石砌疊博岸覆以石板如城南塘路庶免水洗岸沙木植衝擊坍塌之患然置閘砌岸可以防尋常積雨港內之沙或遇大水徑自西岸擁沙而來非二者所能禦石隄之護此策之上者也姑從三說以俟來者

### 前後脩堰

耆老相傳謂堰先賢靈迹功與神侔不可妄加增損後人有增損者輒有禍罰南渡之後里之富民周四耆者謂堰稍低惜水之泄遂于堰上加石板厚七八寸比侯元石長減二尺

前叙規模制作言爲片八十有半者卽周耆石也堰之元耆

在周耆石下不可復數周耆未幾家廢人亡遂謂增堰得禍

故視堰如神物不敢措議修築爲是說者果先賢意耶先賢

之意惟民利是視而已堰非天造亦人爲耳寧無成壞苟有

能嗣○案嗣字一本作力任二字而葺之以壽此堰于無窮寧非先賢所

望于來者哉周耆之前修築者亦不一郡志稱國朝建隆間

康憲錢公億跪請于神增築全固崇寧間楊蒙重脩堰志云

歲久川淤隄墊堰隳人各自私岐分派引旱涸如初先是監

船場宣德郎唐意窒其岐派培其堰隄郡志亦言以土次第

增築僉幕承議郎張君必強復增卑以高易土爲石冶鐵而

錮之肩輿而往操舟而還人歎神速又魏行已增修宅山堰

記云紹興丙寅農事舉趾而它山之堰緣颶風忽起潮汐衝突川淤塞墊堰隤墮圯太守秦公委督官吏補土石之罅漏塞梁坍之隕穴易土冶鐵而固之旬日之間厥功告成以此攷之周耆之前堰蓋嘗屢修矣謂堰不可修築者果神意耶然唐意以其土次第而築之或者從權救旱之策未必可以經久蓋它山之流湍激迅疾非疊石冶鐵以障其固則日久衝洗安能久而不壞哉意之策用于救旱之時明矣後人之欲議脩築者幸無泥增土之說矣夫山嶽岩崖元氣所結猶有崩裂物久則壞此其常理壞而復修乃得全固耳神寧惡之耶然非果損則斷不可輕動今但在夫保獲之俾勿壞則神人之所共願也



護隄

浚沙若無與于堰然實關係于堰者利害不細沙港淤塞之時舟楫不通竹木薪炭其價倍貴販鬻者裝載過堰竹木排筏越堰而下猛勢衝擊聲震溪谷堰身中空不勝負重城門馬力追蠡歷年初雖不覺久必大損辛丑歲因此堰石頗有損動前後府牒非不禁約人取其便不顧利害雖禁莫止此堰若損溪水灑泄鹹鹵冲入田不可稼民不粒食官失租賦況此堰靈迹聖異殆有鬼力神功萬一損壞寧後人所能遽行營設即使可辦不知當用幾金經涉幾日然後可成公私同一利害願共實護之

開水口

堰上水口狹甚溪流入港者尠而入江者多水口有石幢爲  
界外爲官港內爲蔣宅之地約一二畝若買此以展水口庶  
幾納水稍洪

### 古小溪港

許家橋東有地名童家廬北有古溝勢與港接今爲沙所塞  
而汚瀝尙在耆老相傳此古小溪也溪通建畧舊嘗開浚以  
通它山之水今沙淤塞或謂可以再浚

### 洪水灣

去堰半里餘沙港之南地名古城有小港南屬于江今爲沙  
所壅耆老相傳謂舊嘗于此置碇近緣屢經洪水江流衝入  
漸與港通恐日後爲江水衝開溪流顛泄宜築隄岸

# 北山下古港

它山堰上大溪之北縣延皆山山下有古港西自鍾家潭大溪分派而來延袤二三百丈未至沙港近百餘丈其流中斷水稍長則越過平地經入沙港近下石道頭水平則止水之所道迤邐低窪港漚分明古老相傳云侯之造堰先作壩截溪水令乾然後用工故自鍾家潭引大溪之水循山而東屬于沙港堰成去壩遂爲二派一派徑從堰上入大江一派則鍾家潭之港也今雖斷流港漚儼然若能闢浚此港徑取大溪之水東入沙港一則水勢徑順入溪必多二則洪水汎漲之時水與湍沙順流俱東不被橫戛入港姑存所聞以俟來者

# 水喉食喉氣喉

峴攷郡志所載引水于州北鑿兩池以停之淫潦泛溢則城之東北隅有二塢以泄于江目之曰食喉氣喉注云水自離入不有二塢以泄之歲旱則有火災紹定元年守胡渠聞諸朝廷禁民立屋以塞二塢且欲浚導必時隄防必謹然不明言塢之所在峴詢諸耆老僅知來厯氣喉塢視食喉稍大經都稅務前在東渡門牆下以版爲閘潮長則與版平市河之水充溢則啓閘以泄于江食喉視氣喉稍小在市舶務之南牆下止用泄水却不通潮又有水喉一塢亦以泄水若夫二池人謂蛟池蜃池是也郡志止說清瀾池及府池而亦不言蛟蜃二池在何地或謂蜃池湮廢已久今爲民居塢與池雖

無與于堰而水源皆出于它山實關一郡之氣脈并及之

積年沙淤處

馬家營西至孫家橋五十二丈六尺孫家橋至許家橋七十丈許家橋西至潘知府宮前一百丈潘知府宮前至萬家道頭九十丈萬家道頭南至吳家橋一百五十四丈八尺吳家橋南至它山堰口四十七丈

王侯名爵侯封廟額

侯姓王諱元暉琅琊人也

見蘇爲記

唐太和七年以朝議郎行鄆

縣令上柱國築它山堰浚小江湖民德之立祖堰旁爵曰侯

諡善政

見鄆志

而不言何代所封乾道四年邑人朱世彌等請

賜廟額增封爵省牒云奏內稱在唐已封善政侯歷年旣久

元封文字不存難以於侯爵上加封兼本朝自來未曾封賜  
廟額敕宜賜遣德廟寶慶三年邑人復有請時里人王公堅  
在朝實主盟其事亦以元封文字不存仍封善政侯廟額遺  
德鄆志縣令題名云府學有請立文宣王冊文牒碑具載年  
月姓名唐書地理志云開元中令又以暉作緯俱不同豈唐  
史有永承之誤耶

### 造堰協謀之人

堰之造也採公闡黎實佐經營今有祠像在侯之左

今俗稱懸慈法

### 憲帥程公初置淘沙穀田設廳石刻節文

宅山水灌溉鄆縣管下七鄉民田每年沙漲四季合用淘沙

開淤和僱人夫一歲當一百千本府措置今支一千二百貫  
文官會委鄞縣丞同鄉官朱中穎將仕等置到田四十畝三  
角二十九步半上白粳穀一百一十四石一斗五升每季係  
鄉官收支掌管開淤仍委鄞縣提督已申奏朝廷從申劄下  
嘉定八年六月日朝散大夫直寶謨閣兩浙東路提點刑獄  
公事兼知慶元府沿海制置司公事程覃記

趙都承淘沙米田牒魏都大

炤應據白劄子條具它山水利便宜事件數內一項乞浚河  
淘沙奉台判呈劉泳沒官田欲就內撥一項充淘沙使用據  
元承勘司理院推級劉楠供到山田地坐落價鈔數目內水  
田二十九畝三角二十五步元契面錢計六百三十一貫七

百文九十八陌每年上租米二十一石一斗奉台判水田一項契書發下縣丞廳租米每年責付雲濤觀認租仍牒魏都大知府炤應司除已將契書發下鄞縣丞廳仰責付雲濤觀交收并給據付雲濤觀及關常平按炤應施行外須至公文牒請炤應嘉熙三年十月日牒朝請大夫集英殿脩撰知慶元軍兼沿海制置副使趙以夫押

淳祐元年十月余參政委淘沙

本月初十日興工至二十六日畢自馬家營至堰上水口共五百十三丈爲工四千每工支官會五百文米二升半省官會計二千五百貫文十七界

內二百貫文代鄉民醮願

米一百石

監董等人日食

內在本月十三日興工至二十日畢爲工一千每工支官會一



貫五百文不支米錢計一百二十貫文足十一月回沙閘成  
陳大卿再委淘沙本月二十四日興工至十一月初八日畢  
爲工一千九百三十二每工支官會一貫五百文不支米官  
會計四千九百五十一貫二百文十七界

建回沙閘

淳祐二年八月內陳大卿委提督建造始九月初八日至十  
一月七日畢同提督制幹林元晉正奏名安劉閘三眼長三  
丈九尺高一丈零五寸中一眼闊一丈二尺八寸兩旁各闊  
一丈一尺柱位四尺東臂石岸八丈石鎚十五層西臂石岸  
一十八文石鎚十五層石匠工錢每工支官會二貫八百文  
米二升二合計工錢二千九百三貫二百文十七界雜天每

工支官會一貫五百文計工錢四千四十九貫五百文十七  
界砌塼石每工支官會二貫三百文計工錢一百二十九貫  
一百文十七界買石及松椿石工雜夫官會共計二萬六百  
二十貫七十一文十七界

看守回沙閘人

中一間閘版七片 許二十四 許亞六

東一間閘版七片 許十二 許十五 許三十七

西一間閘版七片 許阿二 許阿三 許阿四看

管閘人每月共支米一石府厯赴倉請領均分

回沙閘外淘沙

淳祐三年七月初十日八月二十日兩次大風水湍沙遇閘

節止但閘外淤沙約五十餘丈併裏河王家水厓岸旁之沙  
埧洗入港者三十餘丈帥黃大卿壯猷委峴開淘始于九月  
初二日至初八日畢爲工九百八十錢共計一百三十四貫  
四百文雜支在內

洪水灣築隄

淳祐三年秋連經大風水衝壞江隄溪流走世峴聞於府黃  
大卿并委築治始于八月二十八日至九月初七日畢工隄  
高二丈闊一丈二尺長一十二丈爲工三百七十二爲錢共  
計八十七貫二百九十文足

請加封善政侯申府列銜狀

右峴等居處海濱涵濡聖澤屬當潦歲轉爲豐年神有顯功

理難自嘿竊見本府鄞縣事以一郡飲食七鄉灌漑皆仰它山之水外此別無大源而鹹潮溷雜大爲民病兼水大則涌入于河水少則多泄于江建置一堰民到于今享其利血食滋久靈著如初曰雨曰暘有禱必應一郡七鄉之民恃爲司命今歲初淫雨不止稼穡幾壞于垂成鄉人老穉羣禱祠下片雲閣雨霽日開明屢禱屢孚其答如應今歲一飽厥有由來緣神在于唐朝已封善政侯本朝乾道四年邨人有請准省劄仍封善政侯賜遺德廟額茲者恭覩明堂赦文應諸路保奏神祠禱祈應驗者並與加封今來善政侯有此莫大之功靈著之迹所合敷陳況使府近剏回沙一閘爲民興利迺續神庥謹錄白封告廟額陳牒在前且狀申伏望台判備申

朝者乞與峻加美號以荅神祝峴等下情不勝真切之禱謹  
狀

設醮

紹熙五年因旱府帖下小溪鎮祈雨鄉民因許師巫樂龍大  
三牲神願小溪監鎮蔣修職子泳主疏隆慶二年夏旱師巫  
嘗歛鄉民錢物欲償前願又以人情牽制竟成迤邐近年淤  
沙日甚或謂神願未償所致辛丑冬淘沙因稟鄉師余參政  
給楮券五百千代民償願緣三牲用費不貲兼不欲擾民又  
雲濤觀有三清閣之嚴淨又有東岳行宮之威靈亦不敢用  
牲牢然未闕于神不敢輕改衆議殊未有處峴恐成因循遂  
作三闕其一命道士改作三清界醮一百二十分以荅龍神

并施斛以享堰神其二命師巫作三界清醮其三用小牲牢  
三界卜于龍王及善政侯得第一鬪峴卽以其事白之陳帥  
再得官券三百千助成醮事時雨雪連旬奏祠之日陰雲解  
駭日光穿漏自是晴霽邦人感悅皆以爲精誠所格

四明它山水利備覽卷上

四明它山水利備覽卷下

重修善政侯祠堂記

蘇爲

祭法德施于人則祭之能禦大災能捍大患則祭之是知聲  
光垂于簡編德馨享其廟食者豈徒然哉善政侯瑯琊王公  
諱元暉冊封之典圖志載之備矣按有唐太和中出佩銅章  
字人海徼時屬承寬之後躬行阜俗之化以勤優誠游惰以  
誠慤崇孝慈貪夫斂手于衲間暴客屏迹于境外能使婚嫁  
有序癸獨有依佗民愁歎我則民諧乎禮樂佗民獨弊我則  
民豐乎衣食詩所謂豈第君子民之父母者與先是厥土連  
江厥田宜稻每風濤作沴或水旱成災不若採石于山爲隄  
爲防迴流于川以灌以溉通乎潤下之澤建乎不拔之基能

於歲時大獲民利故自它山堰既良田者凡數千頃得非謂  
德施于人乎能禦大災乎則侯之爲政也易俗移風惠其生  
民沐義浸仁澤及來裔使永永之世猶受其賜者不可勝數  
則子由治蒲之政西門投巫之酷諒多慚德矧今海宇晏清  
哲后求治一司之任非賢弗居太傅王君輟玉笋之班假墨  
綬之秩去民之害必杜其漸興民之利必臻其源佗日嚮侯  
之德聲謁其祠庭則門榛砌蕪暴露尤甚將何勸民乎吾將  
新之吏忻民權風動艸偃徵材揆日經之於是遷祠之  
基止堰之上使泛舟者賴其德力農者懷其恩觀其廟貌翬  
飛垣墉蔽虧及其庭也則若聆乎片言升其堂也則如聞乎  
七絲我乃潔誠端簡享神于祠是使遺愛之道載彰嚴祭之



禮斯■在江之滸佑我烝民烏乎侯之生也以子男之位能以善政被乎俗其沒也以正直之道能以不朽留其神向若爲唐巨僚列爵重位必能霖雨四海舟航巨川則貞觀不爲遼哉知縣太傅譽被乎疲俗景慕前哲樹之休聲庶使饗斯之廟者知仁政之可尙也爲通理侯藩備熟徽烈俾旌如在無愧直書其祠堂之棟宇官吏之名氏請附之碑陰時大宋咸平四年歲次辛丑六月初伏前一日記宣德郎守殿中丞通判明州軍州兼市舶騎都尉借緋蘇爲撰朝奉郎尙書虞部員外郎知明州軍州兼市舶上騎都尉賜緋魚袋借紫丁顧書

按州圖經鄆縣南二里有小湖唐貞觀中令王君炤修也蓋  
今俗里所謂細湖頭者乃其故處焉湖廢久矣獨其西隅尙  
存今所謂西湖是也明爲州瀕海枕江水難蓄而善泄歲小  
旱則池井皆竭而是湖所以南引它山之水爲旱歲備熙寧  
乙卯歲大旱湖涸建中靖國改元之夏秋不雨湖又涸民渴  
甚至穴窰下瀘澁滓以飲而國家將有事于郊邱上供之前  
復阨不得進公私交病上下狼顧漫不知所爲策者州于是  
以其事屬監船場宣德郎唐君君卽由南門道河上凡八十  
有五抵所謂它山堰者躊躇相視遂盡得其利病蓋所謂它  
山者四明之衆山萃焉一山作雨則澗壑交會出爲漫流方  
歲小旱衆山未必皆不雨而溪流未必遂絕也特湖勢中窰

循兩隄率支渠醴泄以去以故不得行蓋非特天時之故也  
君旣得其所以爲利病審不疑矣乃屬民盡堙諸渠口而稍  
浚上源因以其土窒補堰隙復累石於其上以遏入江之羨  
流于是水稍引以北顧獨距城十數里河赤地裂深尺許案  
一本凡邦之人莫不皆謂水無可行之理要非淹旬積雨莫  
作餘能濟也君謂審如是豈人力所能及哉頗聞善政王侯實始  
作堰以茲水賜其邦人廟貌固在也其能漠然乎卽爲民致  
禱焉一昔而水輒薄城下不數日湖流漫然至清冽可食而  
行舟于河不復留礙耄稚歡叫里巷相屬一方遂以無虞噫  
侯一何異哉雖然前此湖蓋嘗涸矣無有能發其利者發其  
利自宣德君始君誠善其始矣顧非後以相之則莫能善其

終蓋宣德君身筦庫之責而能用意勤民之事侯生旣施勞  
于人而沒猶炯炯如此蓋可謂有志于民與夫世之任人責  
而不思憂視民哉而莫之救者顧可同日語哉侯諱元暉史  
不傳不知何許人也唐太和中實令是邑得之父老它山以  
此故時皆江也溪流猥斥并與潮汐上下水不蓄泄旱潦易  
蓄侯爲視地高下伐木斲石橫巨流而約之率三入江七哀  
于河漑田凡八百餘頃其利博矣故民至今祠之宣德君名  
意字居正江陵人也乃祖若父以風節文章聞天下而君清  
直彊學不苟于其職克似其家世者也旣德侯之賜不敢忘  
并以致飾其像設矣又屬予以紀其事予以謂天時之不常  
久矣安知歲不早而一湖無涸乎故其論如此且以著二君

之志而因以告夫後來者使有攷焉冬十月今日誌

舒公亶引水記云按圖經鄞縣南二里有小湖唐貞觀中令王君炤所修也蓋今俗俚所謂細湖頭乃其故處也唐地理志載鄞縣注云南二里有小江湖開元中令王元暉置小江湖卽日湖也楊蒙引水記云唐人王元暉令鄞始導它山之水作堰江溪約水勢貫城以入瀦爲平湖魏行已增修堰記云它山一堰七鄉膏腴無慮千數百頃瀦爲平湖疏爲長河以待旱乾水溢之患唐志言小江湖王侯所置二記亦言侯置瀦湖君炤在貞觀而侯在太和不應貞觀嘗修而太和復言始置豈王君旣修之後湖廢而侯復開浚之故言置耶蓋湖之爲湖久矣它山未堰之前四

明諸山之水多泄於江水不及湖雖修易涸其餘可知它山旣堰之後王侯疏湖引水入城復開是湖以爲瀦蓄之地若是則雖謂侯置湖可也然舊實有湖不言修而言置何耶夫畧有沮洳餘瀝之可因謂之修可也明之爲州東北皆江而西南皆山皆一百二里湖在平陽之地水無其源何時不廢爲平地明矣非置而何魏峴記

重修它山堰引水記

楊蒙

西明澤國也大湖浸其西南大江帶其東北然七八月間十日不雨則舟膠于河民病暵矣蓋湖獨用以旣旁湖之田江又潮汐上下鹵惡而不適用唐人王元暉令鄆始導它山之水作堰江溪約水勢貫城以入瀦爲平湖疏爲長湖掬爲幽

沼後人德之爰立廟貌丐請封爵侯曰善政世世祀之歲久則川淤隄墊堰墮人各自私岐分派引旱湖如初先是監船場宣德郎唐意德窒其岐派培其堰隄水雖暫至二年復涸議者謂不可復修矣愈募承議郎張君適莅其事白于州率邑大夫宣議郎龔君詢其父老相其利害增卑以高易土以石冶鐵而錮之俾潦不至淫旱不至涸肩輿而往操舟而還邦人聚觀歎瞻神速承議君諱必強明人也蓋古所謂不敢欺者宣議君諱行修循政勤民蓋古所謂不忍欺者二君相濟公私不擾而厥功告成實徽宗崇寧二年七月二十七日承議郎錢塘楊蒙爲之記其詞曰有唐太和王侯始基粵歲數百民食其利二君嗣功旣固旣崇又將永永而無窮湯湯

其流汎汎其舟以灌以漑以酌以游於以著二君之休

重修增它山堰記

魏行已

漢宣帝嘗曰庶民所以安其田里而無愁恨者政平訟理也與我共此者其惟良二千石乎噫若漢宣帝者可謂知治之本所以能中興漢室功光祖宗也今天子挺上聖之資造中興之業凡以得爲邦之本加惠于元元者至優至渥方且輟近班之法從殿方面之侯藩躬行阜俗之化專意牧字之仁千里之民何其幸也紹興丙寅農事舉趾而它山之堰緣風颶忽起潮汐衝突川淤隄墊堰埭隳圯七鄉民田將就枯涸海波江鹵駸駸瀰漫太守待制秦公憂見顏色乃默禱神祠使息風濤委督官吏經營強堰然後增葺它山補土石之罅



漏塞梁圯之潰穴易土以石冶鐵而固之旬日之間厥功告成非獨使今秋豐稔千里足食且俾斯民永賴其利于無窮古之良二千石雖龔黃不能過也誠可以仰寬東顧之憂上副明天子委任之意猗與休哉堰成之日泛舟者歌詠其德力農者懷感其恩咸謂異時入秉鈞衡登庸華要必能霖雨四海舟航巨川蓋權輿見于此也夫四明澤國負三江捍兩湖潮汐上下衝接山下其來則溝澮皆盈其去則田疇皆涸所恃以分甘泉鹹鹵者隄防堅固而已方其堅全則均被其利毀決則悉罹其厄惟它山一堰所係尤重七鄉之間膏腴無慮千數百頃緒爲平湖疏爲長河以待旱乾水溢之患皆它山一堰之利是以今春偶經墊決環境之民惶怖憂恐所

謂九工積累公帑私財不擾不費若有神助成以不日皆太守待制秦公至誠之所感也邦人德之形於歌頌行已偶奉府檄實董其事不敢嘿而不書大宋紹興十六年餘月望日知明州鄞縣丞魏行已謹誌

四明重建烏金埭記

魏峴

出城南五十五里有堰曰它山唐鄞令王侯諱元暉所建水自越之上虞厯四明山萬壑爭流演迤砰湃南注于江自堰之立約水入河乘除有數鄞西七鄉爲田數千頃藉以灌漑其流貫于城之日月湖闔郡之人飲焉食焉泳焉游焉堰之利博矣然視水之大小而隄閼者埭之助爲多野老謂侯繇堰口浮三瓢聽所止而立殆神其事今自堰出東十有五里

爲烏金又東三里爲積瀆又東二十七里爲行春皆相地之  
宜而爲之節惟烏金首枕上流歲久摧圯人情往往拘閔因  
仍苟簡日就堙塞莫有興其廢者沙淤愈甚河流易涸公私  
交困嘉定辛巳耆老合詞以請少保大丞相魯公素知本末  
慨然下其事于郡且俾峴効規畫之愚乃計工賦材選州縣  
官主之飢里士爲人信服其計智者督其役出給調度皆不  
以屬吏民以不擾而咸勸趨于是從旁南低舊趾三尺許身  
東西五丈二尺有奇南趾七尺臂東二十七丈西十三尺橋  
五丈五尺而長高九尺濶稱之合石爲之櫃植石爲之樁規  
撫宏壯工力縝密時少卿余公建監簿章公良朋相繼來牧  
皆捐金佐費始終其成初郡併請脩行春築朱瀨堰復江東

道士堰河至是悉以次就緒蓋給於朝者錢十萬助于郡者  
四百萬總爲工萬有九千越三月而畢邦人舉手加額曰願  
有記峴世居溪之濱與田夫野叟念此至熟茲幸贊是役則  
敘次事實不當以固陋辭切惟是竭昉建于有唐太和中距  
今數百載補罅苴漏寧無其人而莫有記歲時之詳者獨元  
祐六年二月十六日重修有石刻在實呂公大防當軸時也  
君明臣良百廢具舉相望餘兩甲子今相國復推廣公德志  
切爲民惟此邦無窮之利視元祐成績有光矣或曰相國霖  
雨四海澤及萬世水利之興顧何足以頌勲德之盛峴曰不  
然謝文靖晉室賢輔淝水之功偉矣絕口不言而拳拳于召  
伯之一埭愛人利物大臣之用心固如此是不可不書餘皆

載之碑陰十二月旦朝奉郎提舉福建路市舶魏峴記并書

回沙閘記

林元晉

慶元表東海地枕江抱湖水政舉則多豐年不則爲沴淳祐改元冬可齋陳公由少司農兼祕閣脩撰出鎮兼置制沿海二年春間藩諏連歲失稔之故父老曰是邦儲水而啓閉以時者曰竭泄而不防則乾積而不醞則溢歲久多圯民甚患之夏滂公荆竭一曰保豐復竭二曰斗門曰大河橋修竭號爲喉者三曰食曰水曰氣是歲東西澍俱歉於滂明獨有秋公曰今所導者流耳盍治其源城內外爲湖爲港鄞西七鄉以灌以漑皆源于它山而邦人知其利未知其害者居半也它山而上則又大溪爲之源越水所注夾岸沙瀾望雨則與

水俱下長官堰下上級皆三十六其上沙沒殆盡下不沒者五六梅梁天矯之狀不可復見其盪於溪上數里溪流幾斷於是井皆汲鹵入田皆竭澤歲浚至三四役工數萬計民亦勞止間有暴漲自西岸而下堙塞尤甚一日公顧其屬林元晉曰岸之防固未易圖而浚治之繁其可無簡要之策與其浚于旣積不若遏於未至水輕清居上沙重濁居下宜闢以止之水平則啓通道如故沙聚于外則去之易爲力會新吉州魏侯峴以書成述鄉氓意與公合卜于長官祠又合適度地吳家橋去大溪五十尋近始經營之侯家溪上疏它山之澤夙備肯總其事佐以新進士安居劉合志堅久起秋八月戊寅迄今十月丁丑無一日不晴已得以葺事乃天所助人

心大憚公命元晉記之夫水之利若害判于天壤故禹川漢  
渠疏濬醜導不遑暇何古人拳拳加意而近世率視爲故常  
也公家古靈先生受業胡安定之門淵源所漸遠矣體用之  
學公得其傳大抵推所學以達諸政拙不自其心始多事者  
爲民不能專多愆者及民不能詳公淡然政尙清簡見明行  
果於利民一無所靳蠲近租六十萬積平糴本百萬惠猶以  
爲小要未可以施諸是邦者限量也唐僧元亮賦堰詩有曰  
海潮從此作回期人謂絕唱長官距今四百十六年始有繼  
其志者堰之于潮聞之於沙古今一轍爾邦人又將世世爲  
美談公名塏長樂人餘月庚戌從事郎特差沿海制置使司  
幹辦公事林元晉記奉議郎新除大理寺簿趙隆書奉議郎

主管建康府崇禧觀應繇篆額

它山歌詩

唐僧 元亮

它山堰堰在四明之鄞縣一條水出四明山晝夜長流如白練連接大江通海水鹹潮直到深潭裏淡水雖多無計停半邑人民田種費太和中王侯令清優爲官立民政昨因祈禱入山行識得水源知利病權舟直到溪石畔極目江山波濤漫略諄父老問來繇便設機謀造其堰壘山橫鋪兩山觜截斷鹹潮積溪水灌漑民田萬頃餘此爲齊天功不毀民間日用自不知年年豐稔因阿誰山邊卻立佗神廟不爲長官興一祠本是長官治此水卻將飲食祭閒鬼時人若解感此恩年年祭拜王元暉



又詩

前人

截斷寒流疊石基海潮從此作回期行人自老青山路澗急水聲無絕時

題它山兼柬鄞令

宋嬭堂舒亶

嗚呼王封君心事鬼出沒驅山截長江化作雲水窟旱火六月天萬棟掛龍骨蕭條一祠宇像設何髣髴破屋夜見星漏雨濕衫笏杯酒謝車籌茲事恐亦忽我聞古先王執施亦稱物矧今崇佛宮民力殆言屈豈無制作年一爲起荒第李侯仁賢資撫字良矻矻可但清似水方看健如鶻沉跡千載後行且見披拂陰功世易忘遠慮俗多呶勉哉君勿遲斯民久已鬱

粹老使君前被召約往它山旣不果以書見抵謂可歎  
惜併示廣德湖新記因成詩一首 前人

長江滾滾西南流秋水時至狂不收大浪似屋山欲浮王侯  
神智禹所啾萬鬼啄石它山幽梅梁屨屨臥龍虬咄嗟湍駭  
就歛孳巨靈縮手愚公差障成十里沙中洲支分股引聽所  
求赤旱稽浸民不憂那得蟲蝗隨督郵汙邪甌窶滿車籌斯  
民飽暖何所酬廟貌突兀寒灘頭歲歲雞黍祠春秋老農擊  
鼓稚子謳當時人物紛鴈鷗豈無鼎食腰金儔朽骨往往空  
蒿邱姓名幾復人間留惟侯惠施膏如油江聲浩浩風颼颼  
千古不見使人愁拔俗萬丈山標嶢使君不減裴商州下軍  
百衲隨鉏耰一笑四境無瘡疣天閑老步須驂騑已聞歸作

金華遊欽賢訪士意未收畫船載酒岸鳴騶相約與我置脯  
脯冠蓋紛紛暇莫偷搔首暢望情綢繆我問使君亦何尤西  
湖萬頃蛟龍湫幾年荒蕪今則脩蓐鼓勿勝財不招長隄岌  
岌高岑樓瀉有漕兮蕩有溝餘波北注引漕舟桑麻被野禾  
連疇鶴鶴白鳥雜游鯿菰蒲菱芡壓採搜楊柳成幄蔭道周  
耕漁呼歌羸病瘳使君之賜侯可侔天邊旌旆看悠悠父老  
雲梯爭攀輶地僻借詢恨無由高文摘秀春華抽豐碑翠律  
饒銀鈎千年空此留海陬君知此日思君不還如今日人思  
侯

攻媿樓 鑰

它山堰頭作奇觀百萬雷霆聲不斷誰把并州快剪刀平斲

波瀾成兩段四明山深水源遠衆壑會溪長漫汗滔天狂潦  
不可留瀉入長江勢奔竄賢哉唐家王長官欲圖永利輸長  
筭想得慘澹經營時一一山川應飽看西偏千嶺相屬聯惟  
有它山擁東岸遂于此地築橫埭截取衆流心自斷斟酌利  
害不全取高下參差僅存半水大七分入于江徐把三分供  
溉灌支流瀾漫穿郡城脈絡貫通平且緩旱時及此水亦足  
坐使千年忘旱暵無窮廟祀報元功像設森嚴人敢玩梅梁  
天矯有冥助大患于今尙能捍前輩所作多神靈日月真成  
赤心貫後人小知或更易費盡工夫隨破散河湮盡浚謀不  
集隄斷河傾流甚悍富民縮手人受殃仰望古人重興歎老  
木號風波湛碧畫屏俯仰丹青煥更須積雨看驚湍濡足蹇

裳何足歎去家不遠時一游短艇垂綸流可亂八月倘有僊  
槎來便欲乘之泛天漢

嘉定丙子友林史彌寧

粲曉輕船掠水飛乘閒來訪長官祠靈巒著色四時畫石瀨  
有聲千古詩華黍幾霑膏澤潤甘棠長起後人思伊渠不盡  
爲霖意除卻梅梁誰得知

無名氏

誰將倚天劒劖出天河水傾瀉落人間合流奔至此六丁戰  
海若橫築萬石壘波濤歛潮汐辟易走千里蓄泄有竭埭深  
長富源委支派繚村落河渠貫城市千畦藉灌溉萬升酌清  
泚偉哉霖雨功千載流不已

永嘉薛叔振

官爲唐令尹心切爲烝民壘石流川水分波及稼雲萬濤驚  
不夜千古見如新更有朝宗脈聲容匪獨鄞

魏峴

一朝堰此水千載粒吾民只仰溪爲雨何勞旱望雲四時人  
飲碧六月稻嘗新流出心源澤年年惠我鄞

陳塏

數月兩出郊勸農復觀稼始言麥隴春已見稻畦夏女紅綵  
紵餘丁黃耜耘暇暄涼雖不齊晴雨倏忽乍百豐未爲多一  
歉誠所怕蠲逋廣上恩平糶裁米價豪髮可及民豈不念夙  
夜昔有王長官築堰它山下惠利久益博神靈此其舍泓深

或龍蟄堅屹無蟻罅定爲三七分醺爲數十汊石梁貫雲濤  
誰敢著足跨流沙從何來疑有物驅駕人力幾淘浚壅淤仍  
障壩神功終此惠去沙而變化視古誰比方鄭曰其流亞

魏峴

一堰限溪江七鄉利耕稼鹵沙回東溟多水流仲夏仁哉王  
長官一勞貽永暇長輸不盡澤絕勝晴雨乍旱魃從肆威特  
此不足怕滴水一滴金欲買眞無價年來沙作祟耄倪憂日  
夜役夫鋪方舉賢帥車方下豐資發公儲嚴祀闢神舍臨流  
肅旌旗問瘼窮隳罅買地開一坑內通水百汊山判不可移  
石級誰敢跨董政有贊府相視皆別駕仍憂場尾閭置柵抵  
立壩卽此是商霖何必驕陽化宅山不可磨錢秦特其亞

應燭

十里猶聞震地雷  
海神驚慙勒潮迴  
遊人只愛山川好  
一飽因誰惠得來

魏洽

幾何水作四時雷  
試去尋源擢嬾回  
欲看澤民千古樣  
我來不是等閒來

謁善政祠

魏湧

攜家再謁長官祠  
桂子風吹遊子衣  
惠澤至今猶瀚漫  
官楹雖古自光輝  
梅梁偃蹇蒼龍伏  
石級參差白雪飛  
此地本非供玩賞  
騷人到此自忘歸

遊它山

應樞



登陸由來說四明它山勝地久馳名龍瞋巨堰兩崖下鯨吼  
奔流一水清寶閣鍾鳴羣動息金輪鼓奏百神驚從來水政  
誰研究肯與雲濤更主盟

它山堰

陳珂

堰雷推動阿香車惠澤均霑十萬家誰任長官身後責迴潮  
今又見迴沙

它山歌詩跋

魏峴

人知它山之詩而不知它山之歌歌以言其詩之未盡詩以  
言其歌之所不欲文不觀其詩無以見亮公之絕唱不觀其  
歌無以見王侯之始謀予方幼時蓋嘗耳其歌之大略矣每  
以石刻不存爲恨咨詢耆老有年于茲近劃得墨刻讀之甚

喜或疑圖志止載絕句爲唐僧元亮所作此刻不載歲月名  
稱恐非亮公之筆然卽其歌以遡其意如因祈禱入山與夫  
棹舟深入之語非亮公距王侯未遠後人其孰能知此耶予  
因連歲浚沙之艱而思剏堰之不易雖大書特書亦未足以  
荅侯賜是歌也詎容不傳敬摹以壽諸石使歌與詩並行益  
以揚侯千萬祀無窮之澤云

四明它山水利備覽卷下終

